

冬青館集

—

欲平知
如學

PDG

嘉	吳
業	興
堂	劉
刊	氏

冬青館甲集目錄

詩一

勞薪集二十首

湖樓集七首

檣谿拾橡集四首

過江集七首

望雲集五首

冬青廡集五十三首

詩二

蕪城集六十二首

後冬青廡集二十三首

北征集十首

南遊集六首

寄阮集二十七首

詩三

礪桐館集二十八首

淮南集十九首

臨頓里集十首

林屋洞天集十九首

桑苧園丁集七首

痺風集二十七首

井叔集十首

文四

釋二首

議一首

記七首

序四首

文五

序三首

書五首

跋八首

文六

跋二十二首

鑑少媿師資長荒學宦窮日故紙差無狗馬之好
年紀滋多已編香七十餘卷雜著不與也不得已
先梓十之一二餘當俟更錄焉至於裹麵覆瓿任
人位置而已道光己亥八月二十七日烏程張鑑
自識

冬青館甲集卷一

吳興叢書

鳥程張鑑秋水

詩一

勞薪集

古意

息夢攀銅輦勞心豸羽笙長門秋雨夜不住草蟲鳴

仇英五百羅漢歌

古畫羅漢誰弟一前推貫休後楞伽晚出實父號能品
筆力獨祖龍眠家活禽生卉學黃趙粉本時亦臨蟬紗
尤工白描細莫比吳衣曹帶寧能加何年灑落月中水
貌茲五百青蓮花靈山會中苦尙少旃檀林下宜無差

襪襪欲作水田鶴瑟縮渾似枯木槎毘羅蘇都微妙諦
具諸眾相爲中車或露月面照光采或堆螺髻飄鬢髻
或張電目刮鑿子或伸鳥爪揮松楹或耳輪垂巨成市
或眉光放升如赧或現修羅臂百尺或變瞿波頭三了
師子坐或睡兀兀糊孫藤或行衙衙山腰或倒跨香象
波面或半蹋金蟆毒龍或咒攝調御彫虎或繫頻摻搗
煮石乳或充瓶盃拈松鍼或縫袈裟或薜蔔過鼻還縮
或米汁到口先哆或臥花窟繙貝葉或挈寶盒藏佛牙
或捕鬼母破蕩孔兩刀風馬吹天斜或度鹿王拈花朵
魔兵醜女羣咨嗟或兜率宮或祇寺竭來遊戲天雨葩
摩挲肉眼看不定有若難數恆河沙此卷流傳出誰氏

款識不許人矜夸天籟閣中應不入銷夏錄裏徒成賒
盡掃題句更跋語神物亦豈能瑜瑕嗟余蟄處一老衲
十笏之室如盤蝸軸簾頓覺飽寒餓日光旋轉花陰遮
恐汗寒具復卷好逃禪心痒難抓爬我聞達磨昔南渡
開山衣鉢來中華曹谿一去又千載十有二部空呶啞
心空及第那易得爭千佛名纏紛拏渡海無筏鴿驚顛
幾人誦經凌晨霞薦以艾蒔更頂禮髻鬢丈六黃金塗
願皮作紙血作墨請寫萬卷交侯芭

過寶雲和尚豐草菴

瓶盃無端付劫塵重來門巷及蕭辰白衣自合稱開士
青史何從傳逸民禪室樹深仍度鳥釣潭秋淨不生鱗

西風吹墜昭陽夢誰爲招魂問後身

西湖秋柳和楊秋室八首

萬樹千條冑暮煙亂鴉唳過暗門前玉津園裏西風冷
瘦損腰支又一年

一痕涼月水西東搖落依然映渚鴻見說清波門外種
銷魂誰似鮑郎中

湖園春半鬪纖腰十二簾前翠臙描一夜珠郎偷擲笛
澹煙疏雨段家橋

低遮花影泥新涼清露無聲溼畫廊比似桃根今老大
秋來誰懺水仙王

紅船斜繫記春曾占斷年光苦未勝重到水天閒話處

絲絲涼覆柏花鐙

嫋嫋鵝黃一兩枝亂拋風絮在春時而今司馬朱顏改
借得秋波照鬢絲
芙蓉閣迴露初寒拂面柔條染未乾髣髴羅衣天水碧
夜深還倚玉闌干

愁唱黃鸝日又低數枝狼籍跨虹西衣香鈿轂怱怱散
無那哀蟬抱葉唳

同施北研楊秋室李白樓楊拙園集報國寺拓
前明李楨書妙法蓮花經碑和拙園韻二首

勝引借蘭友沿谿步履深詞源窮汲綆禪悅妙吞鍼石
墨成幽契甌椎試遠尋竹閒清磬出一爲叩珠林

閒房風日美洞洞復亭亭花燭諸天宴龜趺古殿經香
宜熏篤耨紙勝寫磁青拓罷傳觀處長謠繞蘇庭

登寶石山天然圖畫閣用樊榭韻

佛閣梯桃取次登四山涼翠記來曾白蓮社肯孤良友
壞色衣須借定僧拾果野猿窺石澗聽經仙鼠拱秋藤
他時再結宗雷約莫道攢眉我未能

無門洞

虛牝鑿五丁窅然自太古蕤蕤石斛花靈苗曉還吐我
來禮金粟塵劫浩難數傳是古龍宮宿雲莽無主遺蛻
不可尋時作修羅雨

白沙泉

趺坐青松根寒泉寂來響何年枯木禪挂瓢此孤往茶
毀不可爭水晶尙能賞會攜三昧手結構置虛棧寄語
桑苧翁便當脫塵鞅

紫雲洞

修坂被苗松窈窕入晴壑丹梯三兩盤崖骨一疏鑿時
有白豪光片片衣裳落石髓不可期塵海本無著未免
驚谷神唏髮罔心諾

蝙蝠洞

山行雖忘疲墜甌畏秋暑石屋何年開蒸嵐迷處所誰
然牛渚犀取徑色先沮女蘿時一攀騷屑山鬼語夕陰
起遙峰一一見仙鼠

威乙巷求應潛齋故居不得

太息潛齋去重來有所思
牛全明處士老作漢經師
逸事猶能纂遺編不可知
寒泉如可薦敢獻大招詞

周尋文姬歸漢圖

周郎畫筆爭蠶絲粉本不數荃
與熙流傳此幅尤絕奇
中有美女爲文姬黃龍堆前秋風吹
雪花亂卷乾紅旗
貂蟾成削顰蛾眉行將東歸辭龜茲
一馬前導一馬隨
一馬齧草不可馳豬韉蠻部攜兩兒
攔道涕泗交其頤
雖非王嬙如息媯欲去不去何遲遲
阿瞞昔日裂網維
千金贖人同殺皮腹痛豈與中郎私
故態乃似分香爲
蔚宗史筆雄一時列女傳作諛墓詞
胡笳之拍良可悲

寧足比以曹娥碑

湖樓集

劉松年畫南宋中興四將圖歌

朝幌搖漾紅梨枝校書館中春遲遲閒來讀書展縑素
丹青剝蝕神明虧君臣南渡苦牛角江山半壁猶撐持
南薰殿迴少顏色何人下筆親威儀一將兀立似平叔
兩目豎直交於眉條侯貴倨習綺靡五花官誥封雙姨
一將老大慘不樂面目深皺微生髭清涼居士晚驢背
燕山射虎今無時一將高準復廣穎老爲巨猾鬚連頤
鳶肩火色自有相以之詔檜奚足疑後有一將大小眼
銳上豐下如雷垂鄂王精忠古少比至今絹上同憂危

憶昔臨安起宮殿君王愛此成愆期汴州風物豈堪夢
冰天龍骨何由知金縉列款歲不繼中朝相眼同嬰兒
紛紛畫院更何有劉侯發憤神飛馳殿前待詔類譎諫
馬遠郭恕誰敢嗤每見陣雲憶轉戰還聽鼓角憐塞旗
中原父老自有淚南天臣子難爲詞寫成一幅寄深慨
袞冕斧鉞良不欺繪雖藝事有忠孝古人往往存其思
運糧圖成足風雪勤王妙論無乃奇把侯圖畫憶侯住
闔門東去波連漪還將史事論南北愁殺當年老畫師

題華司馬秋槎北山旅館圖二首

藏鴉門外水渌渌
滿葉菱花兩岸通
吟盡秋來孤鴈影
詩名不讓鮑清風

閒卻籌時冊載身著書魚鳥日相親何妨姓氏流傳徧
不是蘭陵賣藥人

周五戈歌

琅嬛仙館春溶溶吉金貞石相過從有周五戈出何許
手爲抉剔開苔封平頭奴子擎不得寒芒四射青芙蓉
一戈有孔埒援胡公孫造之銘厥庸一戈子承之所作
活翠剝落生沙濃復有一戈執宜左高陽當日珍如琮
其外二戈失款識摩挲法物心彌恭橫刀立旆要有體
雞鳴磬折難爲容初疑閉置學買價旋加湔濯傳奇蹤
吾聞攷工有冶氏儷以桃劍同鳧鐘四分其金錫居一
赤堇破出煩熬鎔後世妄作易以鐵乃與制度相筵縱

程氏及書益晚陶公劍錄徒噉喙雀弁上刃夾兩尻
東甯西癸周所宗校書幸免鉗在口哦詩那得星羅胸
本事雕蟲矜小技轉拓金戟離歡棕舊年突豕犯蜀道
黃雲戍苦傳狼烽書生自具燕頰相斯戈寧復殊笙鏞
安得紅襦重兩勒爲師負此臨雲衝宋斤魯削亦何有
庶幾矢黑還弓彤

奉華堂研歌

先輩匣中一片雲云是紹興末年宮裏物我聞光堯閣
中之經且難保汝研何由得湔祓背刻三字奉華堂輦
下傳聞口先吃得非閉關頌酒之子孫霧鬢雲鬢憶仿
彿大劉妃本臨安人德壽以此供晨昏圖成宮繡妙粉

墨比諸畫院還入神萬壽橋邊竹堂裏當年色藝矜絕
倫方響誰葛元德摘阮誰曹彥國彈箏誰朱邦直許柔
柔舞瓊瓊歌汝獨抱此一研將如何阮譜三十曲圈朱
點墨親研磨園棊罷賭寫風竹綠華瑤玉顰雙蛾大河
以北事已矣蘄王雖存岳侯死手詔勤褻心則那爾研
之頑乃無比斯時批書繞御牀研乎研乎得弗相表裏
書生舌端炙轂同此論無憑吾不喜風鐙過眼幾百年
忍使明珠誘薏苡裹以鵝紋魚口之素錦熏以龍涎鳳
腦之濃香旁鑿不甌滑而腥修史寧數柯維騏與王維
儉新編細寫崇福院舊事還參金陀坊一堵五難兼三
長日餐蛾綠坐研北一勺沙泉淨指拭誰言宣和脂盃

不可尋儷此美石宜良金

西湖僧舍晤徐雪廬

昔作武康別重來隔歲餘
孟郊詩轉瘦吳質病方除
花影團禪室春陰散麴車
西冷吟賞地一爲感離居

移花和王春畬胡書農兩同年時共纂修鹽法志同寓昭慶寺

雲堂旦過雨廉纖移得情根傍
畫檐種處不求天女散
開時自覺定香嚴十年杜牧塵緣斷
三逕陶泉別夢兼
安得對花長住此鬢絲禪榻笑同拈

楷谿拾椽集

雨中陪劉信芳師遊蘭亭

東風吹雨溼輕裾還上山陰薄
笨車彭戴恩難忘款款
羊劉詩豈厭徐徐古來修禊人何在
雪後明流酒不如
欲向羽觴徵舊事清談自勝暮春初

自樊江至吼山

曉雨停鱗牀
拏音出野水時見垂楊椿
春風綠方始石
扇忽中開洞壁
蘚痕紫何年驅六丁
蹠此巨靈趾其中
正谿訝其外得
俶詭佛胛理庚庚
鬼面露齒齒
嬾雲閱
乖龍活水媚仙鯉
買山雖未能讀書
故心喜
山爲陶石
簣讀書處
危闌一以眺煙霞不可理
飯罷復登艫沿流拾芳芷

過上虞縣

縣冷稀塵市谿禽信往還
幾家住修竹亂水繞青山鄉

妾劬桑少農人緯耒閒望中春正及雉子遠斑斑

紫陽宮

仙觀幽谿上春風鶴逕寒蟻衣生玉座松翠溼苔壇有
碣書遺蛻無顏駐大丹祇應明月夜笙吹降驂鸞

過江集

將赴都門留別詒經精舍同人

一試不稱意翻然成遠遊江山從此始花月爲誰留柳
冕原難第唐衢本善愁傳經舊同學且漫作悲秋

無錫道中

別驛無多地離家已各天谿流含宿雨山骨露秋煙運
甓沿江店催租檣岸船不須驚歲暮遊子意茫然

高家堰

高郵城下水盡日向東流清口淤誰刷淮南事可憂民
居寒伐荻官驛夜登樓漕運

神倉重須知更遠謀

南池謁杜少陵祠

祠宇南池上殘年俎豆荒詩存唐日月貌苦蜀風霜蛤
老空潭碧鴉歸脫葉黃彭衙今夕感吟眺意蒼茫是日聞警

分水大禹廟

南來禹廟此河濱想象雙圭日月新輓粟至今嚴貳負
董工終古役庚辰飛沙夜濯靈旂雨帶水朝回玉座春
聞道桑乾秋汛惡綠章誰與

至尊陳

錢刀行

孝子姓馬氏自幼知父沒遼左欲往迎骨歸
葬請於母以幼不許乃日積所得錢刀爲行
計母知其志遂鬻珥釧成之果負骨歸旣而
孝子卒事乃暴諸城劉石菴相國屬爲詩作
錢刀行九解

啞啞烏尾畢逋孤兒夜泣雙眼枯

一解

有父戍遼左十

年不歸來可憐新白骨日夕委蒼苔

二解

兒欲往迎阿

母不許兒年十五號咷不已

三解

朝亦積錢刀暮亦積

錢刀問兒何所積問兒何所勞

四解

阿耶骨不歸兒心

焉得憚仰天出門豺狼爲辟易

五解

吾僕旣凋瘵吾馬

還虺隕精誠一以通金石爲之開

六解

果然收骨背海

頭千里負之路阻修

七解

吁噉乎惟孝無老惟孝無小

積此錢刀順彼長道君不見萊子之衣陸郎橋人生有

孝不以日

八解

我歌此詩神所聽著之

國史明丹青以比蓼莪繼葩經

九解

紫藤花歌呈劉師

薊門三月春風斜家家屋角開藤花豪吟猛憶海波寺
手植不數吏部衙塌來半載蝸負殼豐臺舊約行尙賒
映階賴有兩株樹長身交結同修蛇昨朝小雨一披拂
急撥塵土塘窗紗初疑龍鬚噴紫沫漸看佛脚含丹沙

齊奴步鄣曳落索季龍斗帳垂鬢髻千枝萬枝壓幌曲
三朵兩朵飛檐牙客居百事不快意花時轉側思歸家
家中老屋在花下茸茸紫雪春抽芽小年上樹腳百匝
清晨弄蕊手入叉已嫌照眼異疇昔那能插帽羣咨嗟
吾師居官食冰雪門多問字無麴車兼旬況值鎖闥去
令子閉置如宮娃頗傳

國初盛好事古藤書屋朋箋誇竹垞不作山薑老一撚
長條感歲華

望雲集

董仲舒祠

董相祠堂在冠裳異代新驕王尊識緯高弟繆大人雲

樹靈鴉語風花羽帳塵玉杯書不改下馬一愴神

贈吳梅梁同年

之子揚州秀才華自妙年南金永不易東箭價誰先風
貌阮何並詩名庾鮑前青雲終羨汝矯翼鳳池邊

中秋與同舟諸君小酌是夕月食

明月成高會秋江晚正波臨觴忽不御同調意如何地
上還全蝨天涯尙魯戈美人千里思一夕感蹉跎

白洋河弔史閣部

開府重來國竟亡怱怱鉤黨劇披猖生前霜雪同文陸
死後衣冠勝左楊怪鳥自嘯營壘盡梅花無主墓門荒
唯餘一片淮南月曾照鞞刀誓戰場

雨中過露筋祠

叢祠依灌木古殿闕秋蟲碧瓦衝涼雨靈旂卷朔風幽
花明渚曲秋鳥下晴空回首秦郵路煙波落晚楓

冬青庫集

節署得湖石阮師以字字之曰雲臺峰詩以紀
事同人和之

晴雲一朵壓羣峰珠浦重來又碧空魯直題銘輸肘後
南宮結契入圖中雨餘閭苑仙脾重花亞朱陵地肺通
誰數錢塘龔主事宣和舊物玉玲瓏

雲臺師置漢陶陵鼎于焦山同人分賦

琅嬛館中定陶鼎濃綠直壓焦山巔焦山之鼎古莫攷

神物黯淡愁雲煙詩人詠歌其光價造爲詭倣吾不然
吾師好鼎如好士不令墜地遭屯邇宣德彝器列譜系
雲霄饜飶相新鮮唯茲繡澀類寒餓知與人海殊腥羶
一朝刮垢露光怪耳根碌碌金環圓頂高一寸腹四寸
漢律黍尺通刀錢鑿款隸字得六七鉤勒勁直星辰躔
金牀不歸怨春韭寶衣已化羞寒泉隄屨汙其記地志
黃圖三輔斜陽連珊瑚鐵網豈易邁得之乃復遺其筌
朱門摒擋厭梁肉雲肩妥帖隨臞禪以鼎致鼎古無例
髣髴合浦珠牽纏不爲已有得常有衣盜要與傳鐙傳
大江寒潮卷秋雪載此亦有沙棠船精靈月黑聞爾汝
過閱人物同千年飛廉魂苦列缺怒兩兩虹氣相騰旋

華陽石墨令威歎摩挲不異金銅仙
枯木堂空搖海影
松明夜炷清無眠
東西離立比夷惠
銅花銅葉璀璨筵
仰天一笑石鼎句
寒濤落落長松前

分題琅嬛仙館畫扇十首

蔣廷錫佛手柑

花前退直罷朝餐
貌出兜羅墨未乾
莫笑唐羌曾置驛
越裳消息近珠官

周臣柳塘洗馬圖

細柳團營散紫騮
角觮弓外見河流
將軍昨夜潼關入
閒殺西風敕勒秋

徐邦棠上白頭翁寫意

開時西府亞珠胎
練雝濠梁不數崔
一曲笙詩誰補得
油油春意滿南陔

錢穀攜筇觀瀑

縣磬先生每晏如
朝朝忍餓寫寒樗
一枝九節仙人杖
拄到匡廬讀道書

藍瑛仿梅道人仙居樓閣

阿龍戰苦蒜山前
九友飄零感暮年
自是蓬萊清淺後
秦淮高閣小遊仙

黃文立隔水問樵人詩意

延瀨薪歌少和聲
誰吟招隱愛閒行
長松絕壑清於水
六月披裘不世情

張源瀟湘夜雨圖

秋風木落鴈成雙
曾上涪陽萬里江
髣髴懷人清夢斷
暗潮打枕臥篷窗

吳山濤雨餘山色

九嶷寒影繞函關
雨後空思匹馬還
想像塞翁官舍冷
放衙初過寫秋山

王化成煮茶對奕

紗帽圍棊調水符
王郎人物妙規模
松風吹入長安夢
賭得宣城太守無

趙文俶花蝶

家世紅欄里
舊稱女孫才
調擅休承
荀香花底泥
金蝶

知是滕昌祐未能

澹寧精舍卽事和阮師韻

天涯積雪滿寒沙昨夜嚴香著樹花
九陌光陰愁竹素千秋心蹟倦鉛華
園抽蘭葉春風薄池裂冰紋旭日斜
敢負官齋閒歲月起披金石寫蟬紗

西漢黃龍元年建甄

漢人都咸陽工築每稠沓至今未央瓦
常被馬蹏蹋因瓦遂得甄銘字爭響揚
斯甄紀黃龍注與小顏合宣帝二十五
其年竟不臘史書上年冬火及宣室閣
距崩未央時歲星適周匝始知熟埶年
無用苦批拉審定修未央風霜幾蕭颯
幸非鑿曰科庶免砌甄塔四角暨中央

完好少齧踰何年出鄠杜何年渡洑潔中有地理書鎬
吐復灑飲吾師誌金石往往卜簪盍商卣辨立位魏鐘
識鞶鞶一字必鉤貫不肯受譌雜門才楊南仲朱同年
爲弼
意亦互酬答漢甄有未央此義非譎諂用以配研山永
勿近酒榼火速寫成詩尙可及官蠟

東晉興寧二年俞氏所作甄

晉甄記興寧太歲得甲子攷成及工名所作爲俞氏其
廣才扶句其修或過咫粉蛙兼蟲涎字字如蠶尾何年
摸金尉掘土發鶴觜初疑入故宮又若出邊壘旣無保
母文復少建康史攷古墮微茫舌橋不可止憶昔搏土
人晨星試僂指元和謝君誰永初景師是叔文曹系國

伯寧汝系水結體皆隸書洪适釋所紀惟此姓不名或
是旃人耳我聞琅邪王居位僅三祀雒陽不果遷甄埴
豈暇理晉書十八家寧復涉譽毀吾師契金石有讀文
必起匣定用髹漆錯弗加厲砥香姜羽陽閒羅列烏皮
几于梁紹泰過于吳竇鼎比嗟哉永嘉餘銅駝沒荆杞
誰將婁機箋一發陸機旨

漢金釭歌

阮師得古銅環自定以爲飛燕女弟昭陽舍
中物

長安二月東風早昭陽舊苑生春草今人耕作漢人宮
拾得金釭色枯槁換來不惜金叵羅尊前爲作金釭歌

摩挲故物看銅狄檢點殘書話影娥憶昔徵歌初第一
趙家姊妹承顏色底須雲氣畫成楣不要椒花塗作室
雲楣椒室總鉤連宮樣新翻號列錢光銜白玉釵頭燕
采發紅葩井上蓮此時芳苾鐙難燼此日綠熊席交映
團欒舞後水晶盤鸞環照罷菱花鏡夜深蛤帳光生寒
何止珊瑚閒木難浴回豆蔻誰同拂鬢罷櫻桃只獨看
合歡殿冷披香歇此釭鑄後煩珍惜只宜長對掌中杯
只道長如天上月一朝訣別溝水流銀鵝金鳳又成愁
珠簾別院應難惜翠羽紅牆誰見收秋風滿地宮槐落
七寶臺空攏魚鑰拋殘鈿笛并牀閒銷沈銀甲苔花薄
銅人辭漢淚如絲海肺鐙邊不自持太清樓上徒相憶

博古圖成那得知教吟外傳花間聽斑斑認得臙支印
西京雜記憶吳均祕辛遺事愁楊慎一規髣髴溫柔鄉
較量尺度仙人踏摩蠟自宜儕粉碓熏香切莫洗桃漿
倉琅根斷漢宮閉樊嫵無言還擁髻黃金不成仙不來
釭乎愁說繁華逝畫堂甲帳盡前期金棗銀蠶又一時
莫問曝衣樓上飾涎涎唯有燕交飛

楊忠愍公石印歌

蚌蛇膽何輪囷石中有名明孤臣天池釣叟昏不知袁
州盜柄親假之十罪一疏冤未雪觸手青燐散紅屑余
舊弄公書欲以鈐終始西市銀鑄一片心碧血爛爛照
丹史

題阮師秋江載菊圖三首

艣牀低壓傅延年橫漲橋西破暝煙津吏到來應一笑
官齋幾度載花船

一琴一鶴共相隨覽社鄉心見兩枝除卻白蘇無此格
晚參放後和陶詩

瘦影蕭疏一例寒秋容香節入冰紈最憐鼎鼎多梁肉
不是唐花不與看

商父乙鱣

鱣銘五字曰子冊冊父乙琅嬛仙館藏商周
尊彝共十三事癸亥二月湘圍封公生日中
丞招客稱觴集同人分賦得此鱣

鼎名有父乙尊名有父乙彝名有父乙爵名有父乙商人銘器銘詞取高陽質斯解三千年字異科斗漆土花沙牀斑何年剔黝出殷名例用干帝繫苦推測或云報丙父報乙禮所秩或云亶甲子祖乙典勿失或云武丁父小乙列嘉粟或云庚丁子武乙用礪吉天乙復帝乙六者安所職子冊父何法母辛祖戊律婦庚孫己名通下視茲刻吾思簡狄女厥祥徵卯胤惜少汲冢書徒勞想芬苾其口三寸徑其腹四升實上爲雲雷蟠下有饗飭勒典重儷湯盤升降儼修飭俗儒經學荒古文尙難識無逸記祖甲後人釋以朮申鄭先難王異端悉可黜吾師治民暇治經準古式況當介壽期春酒極柔色酌

解思韓嬰詩說妙是則非直妖婦文兼有夕桀術多聞
觚何妨寡聞觚斯惡餘事繪作圖一解趙商惑庶幾乙
與鴻望古非耳食

宋文信國瑤琴歌

琴長五尺上題云松風一榻雨瀟瀟萬里封
置不寂寥獨坐瑤琴遣世慮君恩猶恐壯懷
消時景炎元年蒙恩遣問召入夜宿青原寺
感懷之作譜於琴中識之文山其五十六字
共鈐二印曰仁至義盡曰天祥宋瑞之章按
宋史端宗於德祐二年五月卽位福州改元
景炎公自温州入爲右丞相則所云蒙召殆

五月後事七月公復開府南劍州自此至十月帥汀州興化軍恐無緣再召矣見拓本因爲之歌

竹垞昔見玉帶生手拓銘字成裝池冬青樹冷說遺事
爲生辛苦吟新詩吾不見生見生友古桐五尺生光儀
朝起挂在壁對之神飛馳始知丞相初識汝乃在青原
寺中夜雨時是時木波已祝髮景炎改元始五月公方
勤王留温州端宗召之乃入粵提攜遠得梅花納碧血
先從十指發生之所交汝應交中甫炎午與謝翹黃冠
汪水雲想汝更知已可惜已經北去難招邀殺聲入分
入柴市變徵一奏霜天高玉帶生雖有功不及汝能寫

公之胸中知公祇一王伯厚千載復有焦尾桐夜深以
筆畫汝腹古誼忠肝汝能覺詩成廿八牟尼珠急管么
弦不堪讀想當願影索再彈奇氣青霞鬱河岳從前何
處匿光采至今始得露圭角縱有素女絲知汝結轡難
爲詞縱有黃金徽知汝寂莫不可揮唯有釣壇竹如意
可以擊石裂石相攀追囊以古錦薰以蘅零丁海外秋
霜晴寒潮夜落琴中聲我詩遠媿竹垞叟伴汝終須玉
帶生

送春詞和方鐵珊三首

海棠雪厭醮醮早苦棟風欺楊柳遲黃四孃家落花日
賀梅子句斷腸時

今歲聽鶯官閣雨去年騎馬禁城寒轉思薊北東風晚
似勝江南春事闌
春泥坊底芹初長朱雀桁南燕又忙此別誰爲酬白墮
再來我亦惜紅裝

節署月臺落成呈阮師

平臺高出碧梧端官舍閒時一倚欄山郭雨回晴翠抱
海門秋入暮濤寒鶯花有約思王粲絲竹無緣感謝安
彷彿中宵吟水調薊城煙月路漫漫

時師將入
覲

題西湖權歌後四首

雨後初乘搖碧舟冶遊多愛牡丹秋千年石帚詞名在
西月東風水磨頭

苦學新腔勝管弦蘇家簡簡妙流年藏鴉門外依稀見
裙襖朝來瘦可憐

擗擋歌旗更酒卮鹿頭船小出花遲趙斜陽與張春水
都似楊家妹子詩

鬲泥時節水羅羅紅舫銷金半蹋歌一夜漁師譜漁笛
青山愁畫馬清波

飛霜鏡引

鏡徑今尺五寸七分體圓作八瓣背白如銀
左圖四竹三筍一人坐狨置琴膝前几置短
劍二鑪一右方一鳳立于石二樹圓如帚下
方爲池中一蓮葉一龜龜值鏡心虛其足以

爲鼻上方有山有雲銜半月月有顧兔下作
田格格中四正字曰眞子飛霜阮師以書畫
審定之以爲此晉人作曾在內府見唐摹顧
愷之洛神樹形太陽陽烏可證則眞子疑卽
戴逵逵傳達能鼓琴工書畫其餘巧藝靡不
畢綜師事術士范宣又宋書戴仲若傳漢始
有佛像逵特善其事據二史則逵實以一身
兼之江南錢博士玷以贈中丞鑑爲之引

有鏡有鏡名飛霜青銅一片寒孤光眞子者誰姓氏荒
手不敢觸神茫茫面上何所有菱花八出顏色久生沙
不蝕塵不垢皎如寒月出林藪霍如火珠懸左肘雪如

奔電入窗牖背上何所見中央四角復周徧有蟲有鳥
有草木左圖一人如禮殿冰夷白浪數番淬列缺紅鑪
幾回鍊寧求漢殿葡萄枝應過唐苑芙蓉面花前指點
心煩憂鳴鳳在樹何所遊放龜在沼何所傳顧兔在腹
何所求飛霜在御何所尤搔首問之風颼颼此鏡流傳
凡幾時江南錢氏偶得之徧攷史冊不敢知閭中摸捉
無妍媸吾師審定疑戴逵逵能范金兼彈絲起雷造冰
靡不爲字蹟況合西晉勢畫法不守南宋欺以字以畫
非支離命弟子鑑記以詞鑑也撫鑑有所思吁嗟乎會
稽山中一高士有鏡團團搖海水鑄來已自數千年照
去寧須二百里楓根幸免伴漆鐙閨裏尙羞事眉史翻

然忽作千秋思，閱盡山林閱朝市。漂以西巖之涼颺，濯以寒泉之清泚。侵晨持謝負局翁，簌簌嚴霜拂人指。

澹寧精舍銷寒會分賦

畫鐙

饗風攪空林，官燭難初夜。斜綳半幅紗，直扶一尺架。膩
繖礬新調，髮帖蠟重研。綺櫺雲英輸，山屏石粉借。結習
翰墨多，傳看丹青乍。楊昌緒 既馬遠流周璜 亦邊鸞亞

異曲或勅敵，同工自方駕。雲氣白蓬蓬，花枝紅姹姹。香
濃胡蝶忙，態淑仙靈暇。畫勢淡更疏，題句密無罅。回颺
護升降，吹火巧脫卸。舊事記武林，其品每高價。忠惠春
雨堂，左右列可怕。蘇貢始甚奇，福製晚益下。萬眼名希

傳無骨式驚詫但要官長歡不願路人罵

武林舊事燈品至多蘇福

爲冠新安晚出尤妙無骨鏡者法用絹囊貯粟燒綴混然玻璃又或爲細眼紅白號萬眼羅趙忠惠守吳製春

雨堂五開左汴京御樓右武吾師去雕琢卽事似茅舍

林銜市歌舞雜藝凡用工千

雖遜西漆煎頗類南油瀉虛堂絕絲弦幽幌遠香麝自宜照琴書豈可對漿炙古懽昔所敦繁華久相謝一任

麥蛾飛寒光透花榭

讀阮師濬杭州清波門流福溝成放水入城紀

事詩書後

杭州城下波拍浮杭州城西水不流錢塘江遠湖口塞人家低下愁春秋旱苦汲雨淫潦卽有水利誰講求縣官昨夜下府帖清波門外開水溝此溝彎彎十幾里

水門東西通兩頭不知何年竟拋置斷港遂斷中河舟
一朝開治浸五版半萬肯惜金錢酬湧金爲源候潮委
春流一曲不可留白開此溝難具陳豈獨官舍歡羣騶
去年大雨水入戶使我沈竈生蜃鱉前年小旱水涸井
使我茅屋愁鬱攸從來民事爭緩急此溝不開憂不休
運司衙前壤新鑿滿州城裏工親鳩餘杭水利憶唐世
後有白傳前鄴侯築隄捍湖雉六井流傳好事爲歌謳
爾來九百八十歲石函南筭同懸疣前年西湖大濬治
封田十斛魚苗收撈草已除役夫役武原鄉下成良疇
池陽谷口美古史一掃穰覈追前猷功成作詩示吾黨
猶復謙讓云人謀春陵行好記聲叟秦中吟苦思江州

詩關風教賴此種一奏金石非嘲啁願寫此詩一萬本
散給俗吏爲共球臨平湖邊一回首德澤與之誰阻修

山塘感舊

水樹停秋舫山花接石橋故人應不作酒侶莫相邀舊
事齊紈扇新愁碧玉簫闔城下路惆悵倚輕橈

夜泊澆墅關夢與疏雨話舊因寄白舫

不見劉文學銷魂又一年夢來詩卷冷別後酒杯捐殘
月吟蜚夜西風落木天范滂有同調儻亦淚潸然

江陰官舍喜晤包馥亭

芬吳欣齋榮童望軒璜

胡書農

敬四同門

京國兩年別江城四日留寸心無可道杯酒卽離憂初

日寒濤落西風桂樹秋前期易分手又上郭門舟

五雜俎十一首

五雜俎刺繡絲往復還星輪馳不得已染白髭
五雜俎楓樹林往復還寒蛸吟不得已烈士心
五雜俎山雞羽往復還平江勝不得已甲子雨
五雜俎宮錦袍往復還白鷺濤不得已兒夜號
五雜俎紫遊繯往復還炙笙簧不得已捕飛蝗
五雜俎蜀女布往復還秋江渡不得已典破袴
五雜俎鬻鬻髮往復還盤中字不得已溫墨義
五雜俎夜叉額往復還唱捉搦不得已逢龍藏
五雜俎銅花貞往復還機上結不得已南箕口

五雜俎摩喉羅往復還飛麥蛾不得已殺癡歌
五雜俎九霞裙往復還秋雁羣不得已諛墓文

送查梅史屠琴鳴兩同年北上

老梅作香北風大黑雲壓城如盤磨主人瑟縮號寒蟲

簾外客來似幾箇武康徐生

熊飛

尚縕袍蕭山汪九

繼

培才驚濤況有查子與屠子千篇鬱緊人中豪驅車直

過東蒙曲雪花不飛杏花足美人贈我金錯刀何以報

之玉胡盞近來南鄰朱孝廉

爲弼

詩與端木

國瑚

爭清

巖鴻都門外逢伯玉

陳文述

七子一笑春雲淹以詩取

士自唐始大歷之後不足齒斯行若遇韓昌黎吾鄉述

古止於此

皋亭看桃花用前探梅韻

朱朱白白滿天涯三度花開一看花甘遜邨邊春正永
臨平湖上路寧差種當山寺香車集紅近江橋酒旆斜
傳語東風好流轉再來我自認仙家

皋亭看桃花歌

驚蟄已過寒食來艮山門外桃花開官齋曉鶯急曉起
早有畫舫沙頭催一春喜無月額雨艣牀漠漠吹塵埃
臨平湖遠蕩苗暖眼中蓄蓓明珠胎倚門兩枝映淺水
當街萬片飄蒼苔已看園客暈白頰頓覺越女羞紅頰
清宵何許駐鸞鳳白日自足迷樓臺攬身直入探雲海
驕紅倒瀉流霞杯瓊田不許肉馬蹋青蚪一控眞蓬萊

山回地抱一犇放遊絲嫋嫋波洄洄天水南渡急刁斗
馬蹶半夜鳴春雷僉名道清事降表雖有絳雪同寒灰
時平千里但娟好夕陽半落青山頽獨孤側帽一懷古
番風亂卷乾紅堆吾來三載得良覲敢言時節遲官梅
舊年榜花落押尾天教眼福歸驚駘不爾騾車走燕市
今晨拂面多煤炰遼鶴即使乘軒屏海鳥何苦聽鼓吹
呼龍咩煙乞瑤草歸來自向春風栽攀花一笑亦有數
遊仙久已忘天台

曉起

春風昨夜寒官齋獨朝起忽聞鷓鴣鳴蹋落冬青子

題秋窗夜讀圖

梧桐欲辭林蟋蟀已居壁高齋夜未眠所志在羣籍古
人不可期秋風動遙夕

西湖種柳曲爲阮師賦

藏雅門前柳絲短流鶯恰恰春風緩水仙廟外柳絲長
落花簌簌湖水香長條短條不知數海上春來供軍戶
滿隄種取三千株要與東風作賓主今年種柳低藏舟
明年種柳高拂樓山桃未破一痕綠水蕩半落千絲柔
柳花飛飛滿前渡居人指點沙隄路依稀記得白與蘇
曾種西湖幾千樹一枝翠斲搖晴煙兩枝婀娜當春天
千枝萬枝嬌白日總在慶厯元和年七百年來歲月久
官不知民豈知柳一任煙苗摧作薪不管風梢縛爲帚

行宮東面雨初寒

御舫西頭露未乾
停船繫馬一回首
墮枝零葉難爲歡
使君爲政如春日
天與湖山管風月
寒食移來放鴨船
六橋分付司花卒
縣近臨平二月時
年年還到一千枝
老鹽倉冷寒潮色
水磨頭新月子詞
昔人愛柳如愛民
使君愛民如古人
含風鳴綠搖沙觜
弄月鵝黃映水脣
古人種柳已拋擲
今人種柳重愛惜
古人種柳苦寂寥
今人種柳還招要
古人今人好官職
留取長條有人識
風花變變水羅羅
曉起湖南望湖北

冬青館甲集卷二

烏程張鑑秋水

詩二

蕪城集

同周樸齋過蕃釐觀

山禽一雙鳴孤桐步屨暮入青羊宮
鐵花撞破辟邪倒高臺未傾斜
陽紅瓊蕊無胎媪神死慘澹何人譜
花史秋草微黃銅輦空階下銀牀臥
井水良朋導我行天街茅龍半閉青
豆齋三層樓閣不可到寒風泱泱搖
松釵舊時石墨在何處坐覺涼生衣
上絮無雙亭外暮煙生清磬數聲出
門去

重九日江文叔招飲對山樓

善和坊畔菊花天，勝引招攜一惘然。
漫以登高一杯酒，更尋羈客四條弦。
琴書永庚辛檻竹，樹寒低金屑泉。
欲向蕪城徵舊事，梯青雙屐且流連。

紅橋晴汎四首

霜風吹水晚蕭條，初過紅闌第幾橋。
不見鵲華山下客，垂楊如雨下秋潮。

兩朝

宸賞此盤桓，金碧園空感萬端。

玉輦不來秋草合，寒禽嗚咽過雕闌。

簫管無聲碧水流，草湖秋冷木蘭舟。
倚虹園裏青松樹

聞與詩人弔白頭

查查寒鵲語卑枝
鬢影衣香總不知
今日平山堂下過
更無人唱冶春詞

題揚州江氏別墅十八首

康山草堂

武功舊遊處茅堂倚平楚
涼風眾綠零古懷浩如許
衰柳咽寒蛩髮髯琵琶語

養苔逕

門巷綠陰初春雨
黯遙夕落痕上番多
落英紛以積亭午不逢人
但見鶴行蹟

樞館

愛此一泓碧秋來瑩心神策策魚數頭引我濠梁情日
夕多古懽聊結沙鷗盟

連理玉樹堂

生香交芳柯東風拂其外君家兩瓊枝態度春雲藹不
見城南韋月作花樹會

學圃

爲學旣日益爲道又日損不厭畊耜勞所惜歲月晚灌
之以沃之君子乃務本

秋聲館

小錄記鐵牛選勝心忡忡一雨廣陵城涼葉辭高桐歲
暮衣裳單鐙下鳴草蟲

穆陀軒

一束磁青箋寫經手不斲松風入瓶笙宛向曠僧乞綠
雪味有餘不數雞蘇佛

臥松原

髯翁疲津梁西風一瀟灑寒濤晚來深松子落其下誰
與讀素書時有負苓者

辟萊堂

幽人耽林居十笏團香茅灌莽一以薤豈殊海棠巢但
留菖蒲茸映彼長頸匏

紫玲瓏閣

春風語流鶯早解丁香結遠道何所思日晏不堪折卻

卷水精簾露寒望香雪

數帆臺

天風吹浪浪決背海門關瓜步寒潮空峭帆渡超越高
館濃花時佳人渺天末

裂帛澗

秋霖活礪戶一宵水淦淦長謠滄浪詩寒流清可枕時
逢鹿兩頭青蜺不敢飲

對山樓

明詩衍中葉古學起何李康公磊落人秦聲亦偶爾疑
獄中山狼誰共空同理

鶴樊

八尺鹿眼籬老樹半癩疥養得青田雛不遣羽翮鍛試
入輞川圖亦足配鹿柴

結綠泉

山溜何清冷一剎古玉色樵青洗研回晴瀾漾餘墨渥
之而不緇其冽亦可食

踐約亭

碧雲日暮合三益望已久菌閣秋禊殘折柬翦菘韭駕
言償詩逋怕罰羊劉酒

引蘿梁

華頂昔曾來石梁極修整何時種花瀨照此秋雪冷試
刷萬年藤石上弄清影

隨月讀書樓

手持冰雪文來對白玉盤圓輝竟戶在無以瑤琴彈古
人不可期翹首青林端

雪中過雷塘

朝券秃尾驢雷塘北風勁誰能脫烏兜甘與雪花競寒
鴉鳴不飛枯葉落復映節物有消息時代倏變更此地
古十宮大業多秕政樓臺項昇畫歌管絳仙進安問河
北兵楊花入圖讖羅綺成墓田鼙鼙出蘭逕嗟余吳阿
蒙感爲洛生詠樂黥給吹簫來遲日色暝時中丞
葬封公淚把
浩莫收山肩益瘁際遠憶西谿西梅花一枝橫

宿揚州鈔關

歲暮遠于役歸思方浩然寒雞瓜步雨獨客廣陵船秋
草非前度梅花又去年白沙洲上櫂終夕歎華顛

雨中渡江

妙高臺上曉鐘初振舵寒潮雨腳疏六代風花迷建業
三吳煙水自南徐江河已覺淒遲後策略翻從感激餘
安得良田徵負郭冰餐雪茹狎樵漁

石船行

黃河夜決祥符牒會通河水泥一尺大官治河百餘里
朝奏開工伐山石石帆山高入青雲匠人日琢枯泉根
大船連卷一百尺小船拉沓千餘斤櫂郎運船怒如虎
估客吞聲不敢語忽然長篙插波心三百青蚨回一罇

得錢夜就倡樓眠歸來掠食仍開船於戲斬輔李衛不
可作縱有罪言誰敢言

山塘感舊三首

屏曲題詩小扇秋盜池水冷柳條柔雲郎已老珠孃別
休問長春舊酒樓

浣盡征衣驛路塵五年重過不成春東風西月鐙船散
愁殺空江李相人

寒山鐘杵五更遲夢裏相逢醉後思誰倩當初華秋岳

蓬窗重寫穆門詩華有周穆門
山塘秋汎圖

題焦理堂循北湖畫冊八首

渡中望甘泉山

西風吹缺瓜秋山盲然綠蕩漿過芳洲長謠紫芝曲

柴門

彎環牡蠣牆門外藥苗吐幽人跣蒼苔靜日如太古

半九書塾

焦光瓜牛廬長年抱竹素一卷九九書辛苦甄鸞注

斗姥閣瞰湖

菌閣高不窮蒼然白雲盡闌干落晴波下見渴虹飲

汎舟歸湖莊

采得菱蘆花歸舟愴將暮何處聞殘鐘依依廣陵樹

北觀音寺

臞僧茶色褐揖客棲松雲誰造釋迦象言尋蔬食文

北湖

良辰不可留檀檠南軒別日夕陵陽湖葦條作秋雪

歸市

山店五加皮百觚不辭買手鈔笠澤書卯市有糖蠟

題楊忠愍手蹟卷

丙寅夏阮師葺忠愍祠於焦山以家藏舊鈔
宋元兩鎮江志及此置祠中紀之以詩

哦詩昔媵陶陵銅滿堂之客神雍雍邇來三載不見面
往往夢與秋濤通 此卷鼎之亞清晨又別歸山中

乃知中丞有深意峴首之石心無窮書是京口書卷是
椒山卷天池釣叟遺珠囊日夜青詞畫丹篆袁州大雞

昂然來由竇尙書攔路犬忠愍一疏交風霆蚌膽輪囷
豈求免至今紙上露光怪碧血棱棱見剛警惜哉西市
日俺答未滅貴谿死勝引曾約唐荆川青雀輕撻渡江
水華表千秋老令威白日蒼涼照青史秋屏師兄王隱
君邀客題詩自茲始松寥閣前秋草白半夜寒潮走沙
石何當訪伊枯木槎瘦筇拄到金仙宅花龕茶版坐可
聽竹院藤牀臥還借攤書海氣搖蛟宮把卷星芒照瑤
席書也卷也應識余余亦琅嬛館中舊時客三者鼎足
兩贈詩惟欠地志無一詞況書與余薰習久不忍脫手
攢雙眉他年買山得長物定鈔副墨回茅茨長謠未畢
晚風急小雨淒淒紙窗溼

湖莊雜詠八首阮師索賦

珠湖草堂

沙上半圭田春苗綠如髮雨過開牛宮眾芳殊未歇中
有讀書廬夜涼抬海月

三十六陂亭

何處大雷宮陂陂足煙水小屋低於船泊宅自茲始吾
家笠澤南惆悵鴟夷子

漁梁

漁梁不可尋沓沓白淙雨日暮拾魚人吹鐙隔秋浦安
得結圓茅沿流采芳杜

湖光山色樓

晴湖淨難唾春山遠如浴譜入韶濩音小樓雨初足牽
率曲闌凭衣裳滴寒綠

黃鳥正

山農種平仲上見黃栗留持此縣蠻聲感彼春風道正
中有素琴歲暮役車休

龜蓮沼

盎盎一池水春來沒車轂半棧紫荷田苔衣上茆屋時
有六眸龜天寒出巢曝

菱麋

采菱湖之湄寒流見斜領時值白蘋花夕陽澹無影遠
道不可期秋心一相警

射鴨船

南鄰采芡船船尾挂圓笠買得竹枝弓菱蘆山雨溼射
鴨晚歸來西風打頭急

尋廿四橋遺址

春風去芳林一雨袷衣暖幽吟憶書記出城不辭遠剡
剡麥苗秀滑滑鳥聲緩齒疏寒流明闌空落花晚言念
尋春人公暇此遊衍兵策盤胸中平安柬虛誕怨李與
黨牛青史後來辨不待玉簫吹柔腸已堪斷

上方寺

舍舟陟崇岡曳屣竹西路梵磬寒不成平蕪少狐兔入
門宿葉脫嘯鴉在高樹未便借繩牀梵放候已暮佛家

鷲粟湯揖客且小住涼風松廊回古蘚石檀汗疑疑甘
泉山蕭蕭玉鉤墓遺鈿耕夫留殘碑衲衣護吾欲理詩
版惆悵不能句回首楓林宮斜陽下籊籊

答王柳邨見懷

見說沙田上幽居似石窗交同顧金粟詩比冷秋江暖
翠晴浮閣飛花夜入鱗何時雙不借言訪鹿門龐

山光寺

阿廢行宮墓近與禪智鄰破曉盪兩漿沿緣清淮脣遂
扣青豆房風華妮殘春鼠姑已零落鶯粟相鮮新松粒
高於樓竹箭低似麋查查乳鴉鬧膊膊春雉馴弔古得
舊事看畫迷宿因不知賁火古今復幾由旬坡公許書

欄大墨何嶙峋

是日阮師許僧書山光寺舊額縣之山門

他日儻重來誰爲

持風輪太息出萸灣白鷗飛背人行當狎釣竿安事野馬塵

題楊芸墅同年修竹吾廬圖二首

纔過穀雨一番寒垞北垞南見數竿想像關西好兄弟

謂書巢廣文健齋明經

詩成曾刻碧琅玕

淮南櫻筍雨初晴繭栗花開布穀鳴吾亦鄉園歸思切
春雷一夜籜龍生

煬帝墓

波咽雷塘激浪麤重來水調認江都秋風已失彭城閣
春草偏生皇子湖白骨那愁金鏡好黃腸終與玉鉤俱

可憐禪智山門路如霰楊花糝夜烏

谷林堂爲阮師賦

髣蘇谷林堂乃在蜀岡頂歲久僧不知如夢未曾醒夫
子讀禮閒來此啜山茗搜古石墨羅證墜竹素診感此
平生心千秋幾松菌一斗隄麋研大字擘窠等遂還慶
歷觀不使隳幽迴秋雲客同招王柳邨
季廉夫城曲買煙艇櫺
糝穿高柯窅窅陟虛牝寒花一鳩鳴淺草眾磨鋌誰能
守樊籠尙未脫鞵鞞西日一爲低涼風淒以緊作詩笑
蚓竅敢與長帽並去屣紆長廊歸遲度修畛逃禪固未
能習靜此宜準儻蒙贊公邀重來宿心肯

曲江亭落成簡柳村

白沙洲畔綠楊邨上有危亭鬣浪痕萬里風濤生海國
千秋詞客憶梁園故人好在牆東住往事終思酒後論
安得遠方數兄弟卻從赤岸望朝暉

訪聳隅子墓

楊子橋邊寺秋花一路迷墓田松樹盡寒雨子規嗁蜀公
人史已歔歔失碑從宗莫題瑣微十篇論幸未委蒿藜

積古齋展王文簡公小像

綠楊郭外舊來時司李才華故老知畫裏鄉心歷城水
坐中人物冷春詞雷陂暮雨鐙船散蠶尾秋風冢樹悲
師督學山左曾
修文簡之墓一代詩名誰與並小長蘆外釣魚師

題李金瀾同年壽蔭圖二首

好花簪鬢日初遲夜韭辰瓜似舊時又向灌園圖裏見

竹竿記取上番移

用竹垞題灌園圖詞意

同君憔悴滯江湖索米無多計總屨只恐鄉園成鶴望
不如歸去代萱蘇

後冬青庠集

天香菴圖爲李金瀾同年賦四首

屋南花樹十三枝虐雪饕風似舊時數徧君家能畫手

前唯石谷後蘭坻

昔人曾此苦經營修竹千竿入暮青賴有諸孫好才調

瀟瀟風雨抱遺經

故人淮海近相依回首蘆溝往事非莫笑碧雞狂道士

梅花時節幾回歸

寒泉一掬歲方閒
詩老南鄰記往還
吾亦逢人似朱十
卜居須傍漾菴灣

重撫天一閣北宋石鼓歌爲阮師作

古之史籀不可作
六書十義墮微茫
杜林甄豐各新制
誰復屈詰師
凡將周時石鼓既晚出
響拓往往傳岐陽
維唐有愈宋有軾
手胝口沫何碾碾
奇觚急就失古意
要與叔重攻偏旁
宣王中興媿羣雅
從臣劍佩趨明堂
麋豕豈徒吉甫燕
弓矢曾與方叔張
堯典唐傳惜不復
泥金檢玉誰爲償
持刀立旆書在石
法古直欲追先王
先王蒐岐亦有證
据經考史非荒唐
九鼎已自淪泗水

十乘寧復求宵光雨淋日炙閱千載剗剔苔蘚留陳倉
元和已後益珍重一紙肯使磳礫量劫火不假木樛護
由唐歷宋誠難詳填以鉤金詎免剔鑿爲科曰奚能防
細推點畫陋李蔡窮辨跟肘知星霜嘉禾缺月互隱蔽
鳳毛虬甲相低昂湔除神物廢考擊拂拭至寶還朝廊
偶從太學識真面摩挲不異琮與璜時在嘉慶歲丁巳
吾師弭節來錢唐哦詩每每宗二雅書字一一窮三蒼
蓬萊漢隸久湮沒光堯御筆誰收藏刊書空記陸親里
閱古猶驗蓮花莊天一閣中賴有此樞以油素歸上庠
宛陵都官好詩句效韓誰得疑癡狂保氏小學昧點勘
斷港何可航銀潢嶧山之刻義益晦皇象有作文失行

深檐大廈諒爾爾一與世俗揚秕糠嗟予讀書少識字
百看不敢生雌黃脫出濡紙一束筍研覃朝夕充巾箱
丁巳秋師曾儒生事業貴師古奚獨下筆求前章致君
分余一本堯舜要由此邵陽酸棗殊廣颺咎繇歌虞奚頌魯斯事
雖細留其綱湯盤孔鼎吾何敢對此發憤成愾慷美人
天遠惜遲暮日共塗抹徒搶攘豈唯才薄羞李杜側身
西望霑衣裳

佳哈船行

高郵孫無燁妻以舅冤獄刺舌血書金經五
卷此康熙二十二年事也丙寅見於廣陵

佳哈船六月雪千歲字耿不滅
解淮水湯湯摧人肝

腸三年之久中心无益

二解

撓大計罪當死佛力雖大

不得止願血作墨皮作紙

三解

彼蒼者天身煩冤誰能

雪汝舅佳哈船

四解

淮水可涸百身不能贖佳哈船血

漉漉

五解

曹娥廟

鳳皇山色剡谿東花草千年記殞宮文鯉乘潮來北渚
靈旂帶雨卷西風迎神曲在清商改幼婦碑荒古殿空
欲向秋原薦香芷一江寒浪晚濛濛

壯烈伯李忠毅公

長庚

輓詩四首

五嶽狼煙澈海陳大星前已質侵晨虛傳麻葉能通款
翻使盧鏗竟致身齒髮中年鱷背老弓刀廿載鬢凝親

男兒死國尋常事何以昇平答

紫宸

無復連檣事折衝當時橫海意從容生曾百戰愁刀筆
死有孤忠溢鼎鐘赤馬船低魚浪闊紅衣礮急陣雲濃
金塘漁汛春來近想見靈旗日暮逢

轅門肅肅暮濤寒甬上曾經大將壇風怒洗燂趨料角
月沈折戣轉營盤海籌竟阻揜裘甫

廟算如兔殺曲端三載不歸歸便得頻煩

褒詔下金鑾

丹心從古羽毛輕聞道軍符督進兵俞戚將才原不忝
孫盧遺恨可能平同仇甥館尊跋略

陳司馬大琮公愛婿

舊活沙

民望素旌廟貌千秋應好在看傳青史著公評

四月十日阮師招同顧星橋陳桂堂兩太守石
琢堂廉訪暨蔣秋吟編修朱某堂部曹華秋杳
大令項秋子待詔王柳邨茂才何夢華上舍自
望湖樓至靈隱觀書藏紀事

白傅長慶集昔置香山寺平生四五寫具見無窮思至
宋李公擇亦復祖其意少讀匡廬峰九千卷在笥藏之

白石菴東坡爲作記寥寥千載心不可得思議吾師領

湖山望古有深契維時知足齋詩文始行世無慮讀者

乖或恐守之替會逢法與翁

謂時帆罩
谿兩先生

哦詩具妙諦千

里寄書來謂宜遵古例初刻印一編禪林有法嗣花竹

滿諸天要與佛相媚持書告同人僉謀實不異山寺南
屏深府帖急送遞十笏旣閒敞架構妙初地球林一以
開蟬聯復雁綴一書立一券有券必鈐識相與臞僧約
兼共山靈誓是日天氣新練影晴雲曳勝引爲落之平
湖汎蘭柁龜齡看經樓風光轉崇蕙米汁罷午餐篤言
款松桂幽鳥嘯澗花清磬落巖翠共入枯木堂卷軸洵
排次一掃蟬蛙空不知幾千歲簿錄準西齋收貯用立
櫃勿令嘲夜猿而以歎秋帶昔人思儒藏徒作不了義
孰知名山緣乃遜智者智豈惟演三車恆河沙可計調
御仗天人自茲脫垢膩譬之火宅涼各出大善慧眾心
生歡喜頂禮而釋偈遂辭青豆房山椒日已墜歸去扶

筍輿風篁出寒吹

訪書圖歌爲何夢華索賦

何君新作訪書圖索吾題詩走相示平生此圖見者三

展卷從頭爲君記其一黃姓堯翁名

兵部得書十二圖辛酉歲見之其家

誰與畫者陳曼生

鴻壽

新書刊徧明道本換得不啻金

滿籟其二我鄉劉孝綽

予里劉疏雨藏書三十餘楨皆善本昔館其家

乃是布

衣奚岡作竹汀宮詹許爲記豈意綠苔遽生閣

疏雨訪書圖奚

鐵生作錢許作藏書記疏雨下世不果

兩家書畫美且都元鈔宋槧無時

無臨頓里中一百部

堯翁藏宋槧本願瀾黃爲作一塵百宋賦

眠琴館裏

疏雨

藏書

三十廚此外袁

廷禱

大與嚴

元照

九更不作畫亦

時有何如斯圖照千古一洗丹青絕前後夫君好古耽

冥搜南探禹穴東之罟手拓金石不知數口吟詞翰無
與儔絳雲樓中焚未失化鹿寺邊竊還出一千金購吳
都文八萬卷充長水宅日思誤字相串穿手定黃墨窮
鑽研涼州太守車幾兩織簾居士手一編笑吾銜薑亦
好事縱不能訪頗爲累夜燕偷鈔述古堂朝遊市閱慈
恩寺憶昔渡江至揚州吾師雲臺先生招住文選樓連牀照
軫那可說手胝口沫無時休此時何君日來往臨淄嚴
安厚民亦同賞廣集寧論翡翠裘搜尋不讓珊瑚網是
冬吾師朝京師書函手捧陳丹輝白虎觀中起書藏讀
罷屢頷

天子頤明年霓旌復南下覓得重添寫官寫宋朝苗發

漢陳農誰復如君素嫺雅書目重鈔天一藏祕簡還從

束哲商沙棠之舟木蘭楫就鈔懷餅何俛俛余亦年來

增眼福許吾官齋日披讀多是華林未錄書往往焚膏

苦難足回谿史韻朱錢撰昔所珍龍爪釋文誰敢噀宋史

鑑釋文胡三省華父經義魏鶴山禮記要義仲良史楊氏皇宋

本要鼓芳風扇遊塵君今將行且小住定有珍珠滿船

遇日本古文儻購成汲冢師春慎收護況君讐校過任

劉到眼眞贗窮源流錙炫連山自堪哂豐坊魯詩奚足

酬歸來豈但飫寒餓上充

祕府下學舍百城南面副本多他日從君遠相借吾歌

長言苦未工卷畫還君心忡忡不知舊日黃劉本誰入

琳琅

七閣中

陳進士

詩庭

畫山水歌爲楊補帆作

金閨門內陳老遲平生作畫兼作詩詩好乃和張句曲
彥曾畫多亦贈楊補之定香之亭昔遊在如鳥影過鏡

風吹句曲已死補之嬾便呼進士無人知曉來玉叉看
此畫令我側側生幽思憶年在亥月在酉官舍重逢一
把酒爲言歲久詩畫無小學新來辨跟肘經旬別去但
相思豈意谿藤省良友當窗花影日未中傳看忍汗寒
具手當年酒伴散如雲陸采山繆朗夫天涯兩不聞鏡
中白髮悲鷗侶畫裏青山冷鹿羣屬我拈豪那能好吟

成傾盡愁懷抱卷畫還君太息多補之補之爾亦老

同人舉亭山看桃花四首

五載重遊第一回妒人風雨莫相催看花君子知何處
又向元都觀裏來

平生心事在正樊籠鳥池魚未許言說與南陽劉子驥
有桃花處卽仙源

一片紅雲出水濱南朝風景認難真花雖不語花爭笑
曾見僉名謝道清

鋤動花飛日暮時分明得氣草衣詩有人閒泥臨平水
手撚垂楊照鬢絲

輓校官凌次仲

朝來凶問到精廬猶記明州見面初
賸有一旌題進士
並無弱女奉遺書
秋鐙論史寒潮永
短檠攜家夜雨疏
時方挈家還歛聞道小紅還好在
白楊蕭瑟復何如

千墨盦圖歌爲貝簡香作袁綬階壻也

五硯先生得快壻漢魏金石羅千通
撥蠟失真棗木換
精審奚論趙與洪
千墨盦空百花亞
秦權漢碣明煙松
亭林不作竹汀老
紛紛耳食誇元功
經史足徵吾所愛
惜遠未見覃谿翁
郭香之察近再讀
動魄豈後陶陵銅
琅嬛仙館近以二十萬錢得西嶽華山碑不募本平生疑寶那可數
誰抉塵障
開心胸清江主人異嗜好
氈帷遠出搜鴻蒙
他時訪君
求異本壻鄉直指楓橋東

過休園弔鄭元勳二首

詩社飄零感萬端
影園人盡北風寒
黎郎去作沈湘客
無復春陰黃牡丹
流雲暗壑閣苔青
重見司勳舊日經
一自高家兵馬後
惟留老樹在空庭

聞道

聞道清強濁更強
須知宵旰在宣房
已教理水煩王景
特敕疏淤起許商
射瀆沙痕留屋瓦
汜光秋汛失魚梁
東行若見河隄使
三策當求第一長

北征集

牛車曲

常州人家多以牛轉桔槔因作此

秋田不雨穀不熟家家養牛轉水轂前蹶欲起後蹶縮
竹竿孃孃日鞭扑雙角高低背血漉屋角飢烏暮相啄
槐風灑地不敢伏吁嗟乎登場願得穫斗斛糠餽亦足
飽汝腹牛宮朝來報生犢爾且食芻人食粥汝力雖勞
亦汝福不然人飢食汝肉

二十六日王家營曉發

遠行不安枕轉側清宵長白鳥號中夜無睡眠單牀僕
夫脂我轄未明先治裝幽蛩咽西壁乾鵲鳴東廂門前
驟車鐸郎當聲難詳展輪取修甸頽波何湯湯還眺黃

河南一線明江鄉今朝風日美未覺單衣裳
中隱直麻水曲夾垂楊茶煙出土銚
豆莢黏葭牆鳧翁戲淺渚犬子蹲寒岡
悲來故無端不飲心傍惶浮雲滿四野
落日交昏黃朝發黃河濬暮宿桃源莊

曹家林至紅花鋪

昨午柅征車義輪尙未晏暖湯濯我足
稍稍事筆研澹坐山雨生墨雲墮
片片繩繩衝涼波變變集寒濺澤農
旣歡呼旅人亦清燕籤郵轉生愁
翦燭意忘倦荻簟屢夙興屋山北
斗見宿人秣其馬氣候倏遷變行行
五花橋清夢落谿澗逕滑董稂田沙
軟積薯堰水禽飛鷓鴣野花明蒿
鼓不知何處山馬首忽迎面巨浸
匯灘流殘

褐未暇勘回憶去家時流光急奔電

謁羊鉅平侯祠

獨訪羊侯廟停車拜夕曛探環存古木墜馬想荒墳壞
壁銜秋蘚寒潭生暮雲殘碑如峴首讀罷淚紛紛

題驛壁二首

兩輪歷碌到潞陽初試縣衣覺晚涼一夜徂徠山底住
西風吹葉下垂楊

破窗風葉作離聲七載東華又曉行何似櫻桃園裏竹
結根冉冉得孤生

岱廟六漢柏歌

昔聞岱廟有古樹六柏種自西京時千里來看苦未識

凡木糾結難爲知繞廊攀楯一尋覓始覺奇氣生須眉
一株直幹一株折一株高立青雲垂更有兩株葉全脫
頑立最眞神孤危其西一株若振翮鸞漂鳳泊相撐持
皮乾剝蝕如古鐵骨瘦突兀同蟠螭秦松偃蓋或同輩
唐槐撐幢疑小兒瘦娑日暮益心肅長風遠扇洪濤吹
海鶴欲下蒼兕出山橫水蹙神奔馳夜叉轉臂勢屈曲
毒龍遠吼鱗之而我聞新甫昔種此到今祇益牛山悲
何如此柏結根早若與青帝通靈祇大塊栽培少戕賊
皇天長養寧偏私武皇東巡旣不復我來瞻拜還三思
昌黎已去少陵死欲歌且住神爲疲

重至京師呈劉信芳師

青衫四十尙無成，忍向歐門數舊行。
春雪曉遊方廣寺，秋潮夜聽暨陽城。
百年浪跡浮雲改，九載光陰逝水輕。
此日東華重奉袂，不禁白髮一宵并。

貞觀金塗造象阿彌陀銅碑爲阮師賦

銅碑四寸寸有咫，唐貞觀年造像作金花。
半露沙牀斑楷法，交飛水蚊腳臨風易惹。
篤耨熏映日難摹，貝多薄上言神天入調。
御下祝家門集綰，綽維時太宗御極久。
海宇昇平勤遠略，三藏白馬西域歸。
至此剛踰二年弱，碑載貞觀廿一年。
造按舊唐書元奘於貞觀十九年歸至京師。
太宗大悅中國佛教浸盛，六百五十部有奇。
梵字橫行各糾錯，翻經院裏大官忙。
慈恩寺中眾僧學公主爭嫌祝髮遲。
山妻但解施錢樂，豐碑已滅。

不可求墜此真如一風箏吾師好古羅吉金抉剔落痕
自湔濯雙碑泰岱閒館開傳看何妨羣手拓偶然賞鑑
來蘇齋覃谿先生從此哦詩滿臺閣眾云字體近褚歐此論
雖公亦忖度人經少失波磔開元泉多見輪廓恐似
經生鍾紹京寫罷彌陀借深託鯁生右手如縣槌瞽說
從人笑捫籥方今崇文當

盛朝祕閣裁書集英博此碑發蹟固有時呵護寧非法

輪覺

時文穎館采此碑入全唐文

竭來兩至春明門歲暮長吟苦神

索自笑眞金不鍍金懺悔徒勞十指膜日斜擁鼻地鑪
紅窗外寒風叫乾誰

送屠琴鳴以詞館出宰儀徵

翩然仙吏動鳴騶聞道分符近石頭錄別花看崇效寺

到官鱗買白沙洲塞翁詩畫初無敵吳山濤杭人宰
蜀詩畫稱於時麟

度循廉孰與儔陸師歸安人宰
僕徵有惠政總是同鄉且鄉語任渠

亭井號柯劉

南遊集

謁孟廟

喬木千年在虛堂見雅弦論功羞五霸卜宅記三遷畫
殿嘒幽鳥苔壇繞細泉宣和遺碣在道統至今傳

過滕縣

孤駘山近僻城邊小國緇衣舊好賢往日雄心留試劍
至今井地想分田青帘荒坵斜陽市細馬平皋落木天

誰見銀花如舊白
乾紅衫冷遞吟鞭

自梅心驛至桃沖

曉星未落北風勁
繁霜刮面肌粟生
筍輿結束催僕役
竿礪山石行不平
深堡老藤活千歲
高巖仙藥生一莖
雲繁不聞谷鳥響
日暖尙有寒蟬鳴
丁丁樵斧斬陽木
戛戛耒板敲春耕
嶺迴勢抱叵犇放
逕仄句棧相搪撐
居然幽靜畫不得
留此清境償閒行
計程已失羹頡墓
弔古誰問龍舒城
人生萬事固有定
我胡局促同飢蟲
茲行亦足快鼃飽
一笑富貴浮雲輕

桐城道中

龍眠主人不復生
山莊宋莫豈可畫
一峰媿媿佛髻撐

眾木鬚髻鬼臉齟初洗宿霧登天光略見寒流破沙界
澗戶如聞扁蝠飛石洞遙看瘦蘿挂山家種樹采伏苓
隔隴蒼官列蔥薤我來卻值霜信濃紅栢千山日初曬
豈唯下選田好畊是處奇礪石堪拜儻質盧鴻舊草堂
儘足牀繩與壁疥松花朝飯不自愁蕨粉宵磨亦稱快
世人嗜好殊酸鹹誰喚公麟與清話

嵩山

皖公山色清且腴傳是仙人煉丹地棧雲遙洩石樓峰
天柱如聞嶽南崇吾來西北由鮪門忽邇南遊不自意
嵐蒸氣候寒暑遷霏罨晴光朝暮異千條飛瀑地腹通
一角斜陽雲背墜茅茨時聞練籬喧槍籬卻少銀麋睡

衣稜颯颯飄楓香屐齒蕭蕭落松翠
餽留巖竇滷雲煙
嘗恐精靈自珍祕吾生山嶽成攢
譏後日松蘿任高議
一兩蠟屐償阮孚足重還來叩雲寺

舟中望廬山

客行有程飯夜半今晨稍遲日色薄涼風披披吹舳舻
五老迎人向裾落南遊竟到潯陽江失喜狂歌躡飛躡
荻花瑟瑟明江洲柳樹搖搖帶山郭故人不枉湓浦書
招隱難辭廬阜約十年已恨同雞筴百歲何能再豚縛
初陽隔江嶺勢孤宿霧連天巖影削浮家汎宅且漫期
雨裏煙包正行腳讀書縱後公擇年來遊差比香山樂
雲泉有約不可忘遠夢終宵落谿壑

寄阮集

雨中過祥符觀

石棧紅泉噴花宮碧草春
仙鐙孤照雨羽蓋暗生塵
閱世悲殘碣羈懷愜隱淪
茅軒如可卜歸臥五湖濱

東軒卽事

鳳皇山下雨絲斜
小駐東軒薄笨車
霽色蒼涼催布穀
寒風料峭勒山茶
已無蘭草追塵跡
賸有桐柯記歲華
辛苦畫圖翁學士
獨傾懷抱向煙霞

覃谿宮詹有東軒
記嘗繪圖作詩

雨中望螺山弔文信國

丞相孤墳春雨中
白沙江遠樹冥濛
死歸齒髮馮干載
生祭文章笑鼎翁
豕木重來付朱鳥
兵機自昔等秋蟲

他年經過青原寺重薦寒泉白鴈風

夏日懷人四首

計上舍秋琴

深

孟夏何陶陶吾思谿南友恂恂計然子直諒亦難偶閒
曝納楹書靜淪煮茶日十年共筆研有無各奔走海城
聽濤聲古廟榻碑首爾來不相見忽已兩年久遙知荀
香庠有母獻春酒今春得芳訊隱居如陶潛何時返三
逕藥玉斟觥船

孔比部曉坡

慶鸞

孟夏何陶陶吾思燕臺人嶽嶽孔北海通雅無與倫禮
器抱東漢素簡尊先秦一年住京雒推解彌飲醇看花

西苑暮閱古東華晨爾來不相見忽已一年新遙知太
僕街有朋如雷陳馮茂才前月得朝報補官如王播何
時過薊門梅花索酬和永清

楊明經元鼎

知新

孟夏何陶陶吾思菰城賢醇醇楊南仲博洽誰能先盈
篋千卷書負郭五雙田十年同帖括笙典窮鑽研春訪
窪尊亭秋尋虎跑泉爾來不相見忽已踰兩年遙知夙
好齋有子傳青氈去年赴賢書棲遲如柳冕何時汎月
湖經義共詳讞

阮司馬小雲

常生

孟夏何陶陶吾思廣陵客矯矯阮仲容曠度不可擇奇

字探蒼籀詩篇過郊籍九年聽官鼓研究費昕夕舉亭
盪春燒蜀岡蠟秋屐爾來不相見忽已兩年隔遙知文
選樓有叔分講席昨歲枉尺素好句如陰鏗何時渡京
口論詩崇令名

昇山寺

粥魚茶板靜相依破寺空山對翠微巖溜直衝崖腹渡
晴雲低入樹根飛伽椽鳥語清禪榻澤瀉花田界衲衣
到此媿無三宿住何年重與款松扉

橋枝詞四首

渡口山家屋似舟沿沙種橘飲谿流壺公巖畔千頭樹
抵得人間萬戶侯

好券耕牛賃鴈租天陰鷗鷺繞門呼水田澤瀉沙田蔗
沙水中閒種木奴

篋裝簞裹早寒天客裏單衣未貯絲忽念家山光福寺
洞庭紅滿板頭船

烘晴帶雨出霜痕匡蜜曾輸可細論南豐產蜜橘行到石龍

最深處人煙數點忽成邨

白石鎮

侵晨發琴臺山川漸深窈秋來泉眼枯礪戶聲正小涉
者揭其衣高下出林表山鄉歲月遲瓜架猶未埽高雄
嘯繁柯驕紅發衰草茲行沿盱江遠近互環繞盤岡踞
厚地孤峰插晴昊顧問旁人名楚言不能了何爲終歲

遊徒使顏色老霜枝既槃拏蠹葉任敲倒古樟大十圍
石枅互連抱古人名豫章取義足稽攷

寧都試署望翠微峰有懷易堂十子寄阮師

勺庭池館翠微東山入金精有路通四海文章三子在
一堂遺佚十人同方塘水冷芙蓉月烏谷霜凋薜荔風
縱使歐公高史席僻逢自以采薇終

上十八灘謠

灘聲長灘色黑水力鬪曲不鬪直上灘角下灘龍舟行
趁水不趁風竿長一搖入灘水寒煙漉漉石齒齒仙人
之寶在何許唯見嶙峋怪石波心如山鬼鬻涎蜃屑吹
飛澇出出如聞昆吾噪已過瑞林砦還上長沙潭楓根

倒挂石腳出波紋瑟縮如眠蠶水漸低聲漸歇長年攤
錢山水窟回頭一笑三門灘宛若呂梁縣溜一落毛髮
生微寒

灘師引

一人操舵如操弓一人使竿如使虹竿搖輒與舵相應
決落千丈排長空崩崖巨石健於虎磨牙攫臂追豐隆
山根益束水益怒其氣直欲吞鱣鱓須臾撒竿入釜底
中有一綫盤蒼穹山迴水抱木葉倒日腳下射龍所宮
欬然竿落舵亦側長年屏息心忡忡竿低舵轉浪花靜
灘師唱曲洪濤中舵師持舵如轉轂竿師持竿如飛蓬
吉祥鉤腳不可識唯覺萬古青濛濛

瑞林砦見周雨亭同年話舊

不見周生烈棲遲又十年才華流輩少章貢一江連
惠我煩文綺思君若醴泉媿無瓊玖報三復木瓜篇

三門灘歎

行路之難蓋紀實也

三門灘前水勢寬估客釀酒相交歡三門灘前天色夜
估客吹鐙益可怕山程水程君且聽一生九死何零丁
巖深月黑鬼車叫寒風水面吹秋螢君不見信豐江邊
日脚斜老板殺人如鬪瓜

下十八灘謠

上灘已自雲都止下灘復自巔石始上灘怒而健下灘

舒而闊舟行一落如脫箬上灘窄以適下灘疏以豪航
迴一撇如牛毛上灘嚴且阻下灘狂且簸橈腰一撇如
旋磨人生得失誰能知如灰顏色馮篙師章江貢江一
派流鬱孤臺下風颼颼上水遲下水速水洄洄石碌碌
往者歌來者哭

重寓百花洲弔蘇隱君與同人設奠而去三首
竹牀板屋寄湖東南渡旌旗在眼中畢竟避人成底事
岳飛冤與曲端同

谿雲滄滄繞祠堂零落空隄柳數行若向西湖比和靖
此應配食水仙王

北盟往事散秋塵虞馬諸公論未眞輸與深寧閒點筆

獨將瑣屑博高人

樟樹鎮觀河燈歌

寒星矗巔野水立樟樹鎮邊雲海溼驚濤睽睽吹漆燈
老魚跳波鬪體泣十五五明栢花河流四散沙尾斜
檣牀騷屑作鴈語千年血轉風輪車老溷當初卽山鑄
裂帛一呼有餘怒陽明洞主來贛南約束蛟鱷如井魴
至今水面鬼火青天陰月黑同繁星法王自唱無愁曲
笑倒乖龍睡未醒

虔州懷古四首

東閩西粵各紛爭地軸崆峒險勢成珠海自來煩北計
樓船何事廢南征金鐘水急傳蕭武瓦研苔深記灌嬰

千載尉陀勞桂蠹已輸章貢十分清
秋老黃茅瘴雨吹空城羽檄憶僮芝徒煩楊僕籌邊策
誰折盧循下海師平固鎮荒魚魴草杵華坊冷日南枝
紛紛蠻觸功名盡八境臺高畫角悲

自南翠浪玉虹來蛾子場空木客哀平賦漫開龜尾角
勒勳誰到鬱孤臺百蠻驛迴愁丹荔三泐碑存拂野梅
轉憶文成籌筆地亂雲殘雨一裘裛

去馬來牛總禍機佛桑花底重歔歔楊張兵甲山河在
金李沙蟲歲月非事盡轅門榕樹冷客歸殘壘鷓鴣飛
七松亭外青燐屑閒與臬陽弔落暉

冬青館甲集卷二

冬青館甲集卷三

烏程張鑑秋水

詩三

疆桐館集

樂化道中

兩年章江湄往來欵三渡遙辨西山霏漸熟新洲樹茲
來二月杪將枉柴桑步雨歇嵐氣重風緊雲條沍渺瀰
春波生爛漫杏花吐但有長松枝偃蹇不改素久客萬
慮盈嘗畏巖棲暮三復淵明詩慚歎遠相赴

瞻雲寺

繞谷穿雲入翠微金輪峰下啟禪扉墨皇已去書空在

寺有養象教重開劫總非雙樹烏嗁搏黍嬾曲房花發
之墨池寶珠肥暫時憩息由旬久難乞山僧埽塔衣

從德安望廬山作歌

憶昔北來九江曲匡家兄弟豁雙目回車默向山靈言
誓買芒屨蹋重麓風前彈指經一年夢裏看山逐麋鹿
裹頭破曉巾柴車五老鬚眉露清淑雲光絮繁翠色濃
彷彿飛籠出蒼玉安得華嶽九節筇支到白鶴觀前之
峰中金鵝有蕊飢可食但道仙人名韓終又思香山飛
雲履著向青牛寺邊之巖裏碧苔有漿渴可飲亦見隱
士號用里人生苦被浮名牽山中一日成千年丹沙無
功石髓竭只合遊戲隨塵緣前年從潯陽香鑪窈窕當

其背今年由柴桑漢陽戍削出其外謝公遊屐尙有待
周華不注咄可怪我來大笑非寒盟負此息壤無人情
但祝天公與我十日晴不辭高高下下入巖腹迨然鸞
歎長松謾謾洪濤傾

經柴桑有懷陶公用移居詩韻二首

茲來鹿子坂緬懷高士宅白雲無始終流泉自昕夕百
年會有期三載憚遠役晨出催打包日入未暖席靈鳳
不啄羶驅車感疇昔嗜好苟未同無爲苦分析
南邨故自遠惆悵移居詩我遊玉京下遑遑復安之山
家勤新苗荷鋤良可思何爲逐車轍負此春風時行當
屏塵慮山水懷方茲亦無沮溺心力田非我欺

青玉峽

精銅一萬丈中有兩龍穴龍懶不肯飛噴作太古雪洪
濤散春陰天柱夜崩折玉盤萬珠跳秋宵百蟲咽泠泠
穎師弦可彈不可說傳聞布水臺遠在雙峰缺苦無濟
勝資肝腸一朝熱長公漱玉亭歲晏落痕齧下視南宮
書深刻半明滅褰裳不可從蹢躅笑跛躄

十笏堂同潘芝軒師看宋西陂所留唐人畫地

獄變相歌

看山曉入頭陀家滿堂枯木唳寒鴉一僧告我畫卷好
筆蹟疑是盧稜伽闍浮老子自古有大力調御紛天葩
神官列坐十與五前導文豹後長蛇吞刀吐火在頃刻

作使髑髏如蓬麻土伯約首縮菌蠢夜叉豎臂張槎杈
輪囷孕象垂其鼻趨趨怒虎磨以牙前生譎觚匿不可
照之古鏡寧纖差畫尾寫作經小品華嚴妙諦思無邪
誰其跋者翁學士方綱銀鈎小字行敬斜此畫留傳失
人代神物完整無微瑕昔年

天戈靖南服耿吳餘逆同蝦蟆繇津山人來江右主持
風教除鷲譁開鑿五嶺去密網揮斥三泐通排衙有時

卻現宰官說開先古寺談三車詩成往往寄深意要與

玉帶同矜誇

棲賢昔藏西
陂玉帶今失

風鐙過眼又百載摩挲兩手

悲蟲沙無量無等一平視菩提有樹空紛拏努目倔强
落鷹虎低眉婉轉羞麝麝卷圖還僧齋飯日腳已上

山茶花

萬杉寺

一綫招提逕高杉列四圍晴嵐搖佛面寒碧在僧衣院
宇昭陵改壇場祖席非空聞散珠水流繞出禪扉

三峽橋用蘇公韻

折磴尋玉淵泠泠響山溜名泉九十九水石互爭鬪中
硤迷始終支脈交左右春雪濺松壇溼銀湧雲竇頽響
號寒鱷哀音嘯晝狔誰人挽天潢洗剔此皺瘦澗底青
琅玕餘籟笙筑奏回看菖蒲茸激若箭脫殼杉柳變雨
雪雷霆失昏晝胸中萬斗塵借此一盃漱

棲賢寺

春雲散陰晦和風扇修竹穹谷半玦環中有高士屋曲
房失笙典回廊蔽寒木想見玉谿子焚香對寒瀑澹坐
山雲生小酌茗花熟至今風雨中往往過麋鹿吾家茗
水陽有書未能讀三年遊不歸負此菱荷服安得止中
琴抱向空堂宿夜半老鶴鳴無以歎幽獨

玉淵二首

山尊洄復瑣荒煙洗滌聞根得靜便此後相思成渴疾
問誰能寄九江船
不嫌清味遜中冷折足風爐缺口瓶吾亦茗谿老桑苧
幾時來此注茶經

大雨自湖口曉發

敬枕鳴春雷至曉雨未歇荒雞不住號雲水互蓬勃出
城面蒼崖危棧倚超忽上嶺嵐氣濃下嶺石頭滑有若
萬弩機臨敵一齊發驟水既奔注涼風益唐突我溼尙
在衣人溼已到髮我寒尙在肌人寒已到骨奈何孟夏
交凜烈若冬月僕夫足蹒跚旅客心艱脆遠遊亦何爲
不如老薇蕨急淚等秋泉迸落滿林樾

河口鎮

邨碓多春紙僧寮半買茶羣山方釜覆一水復戈斜節
物黃梅熟光陰苦棟花南中風土異知己近仙霞

重過臨川有懷玉茗二首

酸風蕭撼撼南柯往事繁華一夢過惟有牡丹亭院本

尊前重聽小紅歌

小紅玉
茗侍兒

少日詞場每自誇朱雲一疏竟歸家千秋史事留詩案
零落空堂玉茗花

乘月至分宜口謠二首

兩頭纖纖月當戶大雞小雞奈何許至今雲黑鈴山岡
夜半薜蘿語山鬼

病骨初蘇怕遠行三年難得此宵晴行人惆悵西江月
曾照袁山萬古清

將歸

豫章城下水歸思忽然增一夕解籠鳥三年戴髮僧倦
遊原少著重到更無馮慚媿滕王閣峇嶢欠一登

釣臺

祠堂千載此江濱
壇石依然舊釣綸
隱不用文辭鼎鼎
狂偏有象感星辰
畫眉叫日荒林晚
縮項吹潮野水春
莫向雲臺誇姓氏
州名何處著諸臣

西臺二首

寒風蕭颯雨沈冥
短櫂重來未許停
記有人持竹如意
不如意處哭冬青
六陵風雨古今愁
想象干戈下睦州
畢竟遺民同一喟
不爲晞髮卽披裘

蘭谿打槳曲五首

打槳復打槳
曉風吹鬢影
團團雞子黃
日上黃姑嶺

朝發桐谿棧，何以致扣扣。歡持玉東西，滿食金華酒。
春潮下富春，送客六柱舟。底須羨花鏡，照儂朝梳頭。
今年斲花少，五千買一碩。鐙下索羅衣，但染天水碧。
腊得遼東豕，堆盤琥珀新。夜來豨酒膽，不比猩猩脣。

富陽候潮雪後作歌

癸酉月正心刁騷，富陽縣前候晚潮。舟子不發期五日，
坐使愁腸百千結。忽然逢背吹北風，一宵玉戲勞天公。
掀簾戴笠一長嘯，江濤漠漠山悄悄。轉教興發憶盃簪，
無那羈遲失同調。老蛟起舞長鱷虬，風力益高日腳低。
攬衣指直不得結，人影瑟縮如寒雞。此生窮達自有時，
羊羔酒酌金屈卮。不爾短衣挽兩石，射殺白額南山陲。

何爲落拓千里閒坐使兩頰生白髭酒酣聊爲獨速舞
仰視雪花墮交午會當著屐凌高寒富春山迴雲漫漫

淮南集

歸家一月將赴淮安

整頓殘書倍惘然故園一別輒三年到門已落春風後
鼓櫂仍期穀雨前拙計但看嬌女瘦持家端仗老妻賢
蓼莪忍向癡兒說檢點青袍涕泗連

題秋琴聽雨圖四首

杏樹初花曉未晴小樓深巷夢難成無端觸撥江湖思
愁與春潮一夜生

膠膠喔喔響花陰今雨蕭條舊雨沈總是相思不相見

故人消息在晨禽

十年塵海悵分攜
孤負鄉園草樹齊
我亦鷓鴣谿上任
綠陰門巷日鳩呢

西窗翦燭語難償
送我平明黯自傷
何日東鄰結茅屋
臥聽新釀注糟牀

劉大司馬師以近集見示卽次阮漕帥師韻

又向京華省舊顏
喜依壇坫奉南山
章平事業三霄上
燕許文章四海閒
曾侍遊仙知夢淺
重來問字可緣慳
預愁潞水秋風滿
悵望龍門引權還

重九後自潞河南下聞警

九月霜花重單衣
下潞河秋風方瑁
礫遠道忽兵戈彈

鍊愁先絕開尊鬢已皤從軍雖有志此事久蹉跎

題阮師江鄉籌運圖

癸酉正月吉儲胥將北發舳艫蔽江介軍符馳吳越維
時儀徵師實秉漕帥鉞舊年荷

帝命遠猷寸心竭調劑官與民裁量丁與卒會當立懦
頑必先明賞罰粒粒天庾珠不使雜糠莩吾

朝沿明政貢道通溟碣奉春策燕京要以便朝謁何圖
數載來黃流奪耕垆憶昔工文莊著畫不可沒譬諸人
一身運道乃嗚咽籌之有過當直欲杭滄渤

廟算仁如天海運議久闕專力事會通不憚勤輓輓師

體

聖之心
中夜長惓惓
朝發孟城隈
暮宿瓜步場
粟米五百萬
量尺竿豪髮計地及八州
限時止六月一百廿一
綱綱網費牽掙牽夫十萬人
振力免餓殍今年山東旱
沙壅待疏掘糜費在淺阻
丁力極顛蹶試看圖中顏
勞悴何時歇歡聲騰錦繡
憂思損肌骨會當涉河汶
報政秋朝

闕所籌在

國計思對

命書笏

秋觴書懷十首

西北櫓槍入羣凶
犯薊門東郊回

翠幟南苑駐金根矢石交雲閣烽煙徹掖垣中涓方豕
突華省失鴛鴦齊斧蒼黃出元戈次第屯妖塵昏日月
天露洗乾坤祇覺

皇靈遠從知國步尊小臣蟣蝨細聞信淚潛吞

小醜生成外揮戈逆太陽紅羊爭左道黑蟻儼分場刁
斗傳河曲軍書入建章天心方佑順民命恐摧藏謬效
連雞智徒傳鋌鹿僵謀窺三輔密烽繞六州長攻穴腸
抽鼠揜渠臂折螳似聞

哀痛詔

聖德邁虞唐

聞道魚臺縣踰梁有賊巢七年方卯育九月忽雄虓首

惡推裘甫殘黎問趙苞戒嚴連夾谷亡命及敖鄙東土
天時歉居毗地力饒哀鴻集中夜驚鹿竄西郊命促魂
遊釜憂深濁止膠尙煩諸將帥督戰急征軺

近縣團方急中州勢少危滑臺眞虎負淇水歟狼窺遇
害傳諸尹期援集遠師已愁阮瑀及兼報卞盱隨癡突
趨天井狂奔絕大伾飲刀猶倔強吐火定昏迷酋命殘
螻螳

天威懾虎貔有征無用戰殲不待交綏

天上傳星使師中卜丈人韋平有弓治襄鄂得臣鄰七
萃繁霜羽三單集電輪囊沙圍自合卷甲令同申袁尙
宜傳首陳豨已縛身出車楓葉冷歸馬柳條春古者凶

無赦

天平勇自仁紅衣曾鑄礮留取受降辰

道口圍曾潰兼趨冉肇城

臨軒紆

廟算授鉞降朝卿潑喜今何怒橫衝舊有名李波方俘
妹張角尙逋兄寬大蠲新稅艱虞失早畊梟巢同日覆
獯冗幾回平據砦拋飛櫺占濠渡木罌浚儀城路遠父
老挈漿迎

尙守彈丸地相持作蠶蜂營應添七覆命已盡三冬竊
號傳唐史遺骸辨宋儂捕亡安鹿角抵死折梯衝楊素
軍偏振高昂賦自供風旗搥破壘火箭發高墉都尉駢

眉走將軍猶臂從安良在除莠銷甲及春農

堯民飢不少

禹甸水仍多青嶺羣凶在黃流故道枯王尊祠莫及賈
讓策殊科金堰魚生甌孟城馬沒渦直愁并四瀆奚止
塞三河國仗雲梯議人憐瓠子歌尙煩拯墊溺稍待靖
干戈對此肝腸熱憂時鬢欲皤

九重方側席臣下敢偷安紫禁論思切青蒲密勿難救
荒蘇餓殍執法去貪殘漢室衰循吏唐朝右諫官

大猷雲日麗薄伐雪霜寒杜牧言無罪劉蕡策已殫涓
埃何足補耕鑿此爲歡無病呻吟者聊酬宇宙寬

粟漕神倉遠秋風下舳艫來時憂旱魃去日動妖狐習

冬三
鬪彎
童鏃徵兵急虎符計應先曲突防敢後衣裯滴博
方通戍長蘆正轉精繁雲更火密溼霧曉檣孤已拔鐘
吾驛猶淤微子湖從軍應負羽操翰一長吁

題小雲團雲書屋圖

相從十載別三年重對淮南亦偶然畫裏雲山疑輞水
篋中詩卷比斜川薰鑪祇合隨琴薦花地何當接酒天
他日北湖尋舊侶耦畊須趁汜光船

臨頓里集

答徐雪廬廣陵見寄之作

再向吳門見相違判十年卑棲雙鬢改禪習一心堅小
雨蘭陵酒高風瓜步船過江紅藥晚明月正重圓

王海邨斯年有薊門之行率賦奉別

黯黯春陰長綠蕪送人蹤跡感菰蘆兩年吳市新詩侶
七載燕郊舊酒徒此去鶯花連社日記來風雪判丁沽
十行宵後潛夫札看取蜚聲滿

帝都

題海邨受詩圖畫船山張侍御遺像二首

一麾剛罷海雲東客子光陰石火中他日西江數流派
瓣香只合拜涪翁

海棠未破柳垂絲曾憶看碑覆酒卮吾亦有詩須論定

相從已恨十年遲

庚午在都雲臺師招飲揚州旅館看
西嶽華山碑同坐者蔡閣學生甫馬

光祿秋藥宋太守芷灣屠吉士
琴鳴陳茂才受笙及侍御與鑑

謝小雲惠蠟

阮郎秋艇及湖棧遣送霜螯抵百朋解道共嘗學遽瑗
祇緣分惠媿朱登畦薑知熟鳴齋曰籬菊愁張照字鐙
安得連牀語農圃剖匡同酌酒如澠

君時秋賦報罷

題溫也癡丈擔糞圖三首

巢居閣迴墨谿斜聊共棊枰一笑誇聞道更無封禪稿
且鉏明月種梅花

漁具還輸農具宜甯泥耒板趁春期一畦紫莧千頭橘
吾亦新師汜勝之

蘆雪蕪煙歲月寬頻年浪跡夢無端名場畢竟同牛後
何苦皋牢學轉丸

春日得諸城劉師見懷詩卽次原韻二首

菰蘆廿載尙依人
夢記華胥往事眞
衰鬢已教侵曉鏡
短衣可更犯緇塵
香鑪東閣花前酒
畫艫西興雪後春
回首之罍輸柏馬
不禁清淚點裾頻

能拔單寒得幾人
況兼清越見天真
揚雄門巷車無麴
寇準樓臺甑有塵
顏色削瓜驚改歲
詩篇剖鯉喜隨春
方輪縱遣豨膏轉
欲往從之道里頻

林屋洞天集

修竹圖爲葛香士賦

葛仙井在包山麓
繞屋流泉映修竹
中有堆牀萬卷書
鎮日攤書遠塵俗
春雷一夜迸竹竿
十五五翔青鸞

讀書看竹無不可科頭六月長風寒吾來靈威訪祕書
山前碧玉鳴通渠知君曠度如抱朴臞然鶴骨中心虛
卜居祇合住林屋洞口耕煙洞中讀拋書一嘯湖水寬
七十二峰青矗矗

蔡笠山惠石公白枇杷賦謝

石公山插太湖濬中有枇杷味最珍霜後試花濃比雪
雨前摘實爛如銀楚萍未必輸先典秦樹何緣誤後人
多謝筠籃近相餉異時應結耦耕鄰

哭諸城宮保劉文恭師四首

忽證龍蛇讖春光慘莫回豈惟壞梁木直欲拆星臺三
歲心喪重千秋國士哀何年攜鏡具桐樹識重來

惟昔趨

丹陛經年侍講帷素風臣節厲直道

聖心知家世傳遺笏行藏付口碑汗私吾豈敢大鳥有

同悲

天道誠難測師如不永年濟時刪諫草愛士託詩篇眞

覺山如畫從茲硯作田

師諡詩有洞庭山古宜摹畫鄧尉花繁莫負春句今來西山如

識長河空有淚北望轉悽然

四海論知己何人更賞音削瓜留面目披月見胸襟竟

阻韋平業難酬魏鄭心歐陽門下士頭白感遺琴

阮師自嶺南寄到文選樓詩存及恩平阮桐葉

吟蟬硯賦謝二首

治國籌邊兩不妨會昌一品氣清蒼賞奇遠寄勞千里

請益遲趨待十霜漢殿勳名銅馬式唐羌疏草荔支筐

重憐舊日編年在華髮蕭騷弟子行

師戊辰以前學經室集及雷塘菴主

弟子記皆鑑爲編年

巧琢雲根活翠鮮先秋一葉墜書筵傳觀肯羨連城壁

生計從輸下漢田

吳中大水爲百年僅見瘠田十餘畝悉爲陽侯所奪

茗酸筆牀

新位置龜腸蟬腹久隨緣自知無復金貂夢正要同吟

落木天

王雲舫種蕉肄書圖

少時曾結墨皇緣繞屋隨人號綠天夜雨滴窗心自警

秋風折檻意相牽養成肯讓芙蓉粉種處仍求苜蓿田

不信右軍三十七黃庭眞跡古今傳

羅漢寺看梅

入隴千花涌山門倚樹巔澗流初夜雨人立夕陽天春
暖先除酒香嚴未破禪風前數童冠三復舞雩篇

毛公壇

饗風漸停苦雨歇擬訪仙壇款靈窟一枝扶老兩不借
迎面青山起超忽毛朗廟後路蛇盤前度來遊識碑碣
朱朱白白入草花彎彎環轉林樾鎮地符失丹竈空
但有芻童出耕垆劉公一去二千年留取雙池鑿毛髮
一瓶寄上大諫議皮陸終嫌欠仙骨我生欲抱三足鑪
剗斧親攜煮薇蕨不辭去路動暝煙隔岸莫釐上新月

西山懷古四首

犀渠歌扇總紛紛
往事夫椒付夕曛
花草晴分脂粉色
管弦朝怨鹿麋羣
春歸范蠡牀前樹
天老西施舞後雲
賸有君高書越紐
霸圖銷歇復何云

芙蓉花發露珠團
明月灣西涌翠瀾
大業鱸魚曾作貢
元和橘樹又名官
徒聞刺史三宵住
未抵浮家片業寬
焉得煙波船一隻
綠蓑青笠臥江干

六代銷沈水一漚
自磨折戟認寒流
燕榮師已臨前渡
蕭獻營能據上游
馬稅城空兵氣入
登高壇迴陣雲收
景靈觀裏梧桐樹
長作吳宮一段秋

銀簡投龍信有無
氛祲吳越靖仙都
鞭投豪帥臨千騎

甲授沙民及五湖恐有白腰生肘腋不難赤腳到荏苒
黃池小醜尋常事無病呻吟亦遠圖

求古精舍圖爲陳抱之作

駱駝橋下水潺潺十載渾忘舊往還
鬢髯清容軒底坐舉頭先見隔城山

地爲楊秋室寓齋曾再過之

魚計亭開花鳥新尙留小谷口前塵縱然金石遺文在
後世誰知鄭子眞

漢甌秦瓦日登登到處榛芴索總能除卻兩尙書不識

鎮洋去後有儀徵

秋帆雲臺兩先生

翠墨銷沈幾擊撞竹汀竹垞已難雙他年相訪無他事

再拓天寧寺石幢

幢爲陸畦先生拓後朱檢討錢宮詹皆有跋及君而三

桑苧園丁集

題潘星齋詩卷

蘇臺盛風雅激揚始青正沈

石田文衡山

踵其後高步

凌九州之子拔千載六義窮雕鏤投余星齋詩格調錢
與劉爲學固有本華實宜兼收勿以一牛毛而抱鱗角
羞

冬日答董竹坡見懷

凍雲吹空色如墨鴛鴦滿天松柏直美人遺我雙鯉魚
想見胸懷難自得髯乎幸值太平年菰蒲安得無遺賢
眼空四海未快意盜亦舍此營刀錢君不見古來才人
極麤獷濯嬰販繒岐賣麩種瓜步隲藝漆宏織簾驎士

貨畚猛爲君細數君莫嗤便肯易轍行已遲撐腸賴有
租牛券中字與君且和雪車冰柱詩

漢承安宮鼎歌温鐵花索賦

鼎口刻承安宮銅鼎容一升重十四斤甘露
二年安丞長福掾祿守令史宣夕世造第五
三十一字

羨君好古世無匹商卣周鐘列甲乙鼎復傳自甘露年
斤重十四升容一一腹彭亨石鈹圓兩耳連卷象簡植
活翠橫分帶露茄生沙肯假負霜橘口鑿小字卅有奇
隸楷分明郭香識承安之名宮史疏黃圖不收禁扁佚
維時宣帝起下杜天子氣從獄邸出蓮勺鹵中困魚服

仇不能卽鼎有寶丞旣曰福掾曰祿令史曰宣例取吉

拜名青瑣號夕郎造此者世世不泐

漢百官表注夕對青瑣門拜名曰夕

郎夕字正

昭陽宮中故劍亡金馬碧雞祀奚及今年冬

是官號向屬玉來明年春自甘泉入池陽蒞陽皆離宮便問張

華等蠡測

史載甘露二年十二月幸蒞陽宮屬玉館三年正月上自甘泉宿池陽宮注池陽縣有

離宮馬則蒞陽亦當不異鑑舊見永樂大典所載漢南北兩宮圖無承安名則三者皆當屬離宮無疑改

元神爵又黃龍九鼎重光萬牛力儒生稽古渺前聞濁

酒不澆此胸臆拾香草堂花竹繁佳友時來不速集語

妙環生饗餐貪腹儉枵羞盞盞飭憶昔校書誠本堂畫

肚鉗脣費文墨今日重看一猛省過眼風鐙那堪述此

銘載積古齋鐘鼎款識中記舊與同年焦理堂朱某堂听夕一處賞奇析疑聞以謔語然竟不識夕字之爲夕

郎詩成且告揚

南仲

與劉

原父謂盛梅菴陳抱之

更爲精擘窮綆

緜

題王臺叔寒山感舊圖悼亡二首

說詩箋字幾經營
伴侶眞靈感未平
不見當時陸卿子
墓門風雨十年盟

鷗鷺沿谿一櫂重
疏泉架壑苦無棕
底須再到經行處
腸斷秋原夜半鐘

題紅蕙聯吟卷

史局隨身事已陳
又拈小草問前因
名花特地留孤種

詞客相看半故人

卷中除素交壽階同人曼生雲伯外如穀人祭酒頻伽四香木夫鳧香澗

贊皆從前舊識也

灼灼煙迷吳苑雨
娟娟香動楚江春
還君畫

卷須珍重卽此嵇含狀最真

題潘紱庭秋林琴旨圖

鯉庭有才子習聞

薰風琴翩翩若鳴鳳集彼桐樹林作詩揜羣雅載德何
悒悒試鼓朱絲弦中涵

清廟音

痺風集

題沈柳橋復古桃源圖二首

桃源洞宋王先生蘋講學地在震澤鎮屢易
主最後入於柳橋之祖今碑刻尙存柳橋過
之不勝今昔之思爰繪此圖

喬木蒼涼往事非故園曾此置雙扉尊經閣圯賓徒散
惆悵重來丁令威

著作清修久不聞程門風月記平分
窓窓二百年彈指
手剔殘碑倚夕曛

幾閒老屋尙荒煙酒坐琴言半惘然
展卷應同劉子驥
桃花紅過義熙年

送洪生小同就婚江陰

北江先生孫時從余遊

公子才華錦不如忽傳仙櫂發秋渠
催妝定卜芙蓉鏡
避客當成博議書
扇底香濃分韻後
屏閒山學畫眉餘
卽教州號連洋近
雙鯉無憑感索居

斷釵吟爲參戎湯雨生太淑人賦

篋中玉釵白於雪六詔來歸長綰結自哭崩城不忍看
豈意燈前一朝折昔有少原婦刈著亡著簪韓嬰傳詩
爲表微三歎譜入朱絲琴故物難忘人事變墜屢終傷
不重見千載顧凱之還畫劉家仁智傳

題張廣文未未

延濟

清儀閣圖

富貴從來等一漚堆牀金石自冥搜著書定過楊南仲
愛竹何妨王子猷醉李靈根階下樹孝廉舊物水邊舟
始知翁草籟北錢竹汀南外留得由拳百尺樓大癡有

書

溫稼生訪未未廣文於新篁里因於竹田深處

煮筍餉之歸作竹田煮筍圖紀遊爲書三首

春江漲綠痕懷人恐遲暮何許曳鱗牀竹田最深處入
門望風筱巾舄溼寒霧少選出中廚肴簋兩無數誰言
不速來喜有雌雷助樹雞於此兼櫻魚莫輕妒迸土長
貓頭折項笑蒸瓠

吾儒文字緣一一占蒼筤作紙充卷籍爲器成匪筐籜
龍汝何負曾莫赦斧斨兩君會稽美如楮羞明堂吾衰
一蠹魚成仙眞渺茫邇復史與經同鼠銜生薑卽事歎
畫餅雷聲出飢腸

昔有饑太守日坐箕箒谷解參玉版禪殊不令人俗偶
讀東坡詩噴飯欲滿屋何如二妙并相對捫其腹飯罷
吐雄談入紙盡蒼玉吾詩媿此君詹詹豈足錄慎勿將

玉簪刻彼篁里竹

湯雨生參戎畫鴻案聯吟圖爲張春水賦時春
水久遊不歸

將軍妙畫本通靈紙閣蘆簾舊典型如此流光忍拋擲
祝君先懺破鞵星

遞到郵書亦索詩春秋歸權慣遲遲憐他京兆生花筆
祇解聯吟不畫眉

孽賤分韻幾曾閒風雨蓬門盡日關應讓東吳陸卿子
花時偕隱似寒山

空林詩思圖爲月樵上人作

脫葉滿空山人海夢誰覺我本有髮僧終歲苦妮搦從

師問句法可說不可學始知無字禪如挂羚羊角

題知稼草堂文遊圖爲奚榆樓索賦

知稼本橋名

詩本窮人具名流每見招癸辛元有里丁卯且因橋負
郭山分帶開門魚上苗逕思從桂權十日未辭遙

孫愈愚招同柳橋子敦子香古彝暨喆嗣永言
看海棠花於怡顏堂翌日用東坡定惠院韻作
詩索和次韻奉酬

長年靜坐如枯木無地尋花娛孤獨忽傳折簡招髯翁
萬卷讀書能遠俗卻言手種海棠樹卅載不花委寒谷
春來怒茁珊瑚枝蓓蕾搖空紅滿屋入門一笑狎良友
密坐談詩勝甘肉觴行不苛禮益恭日脚西馳未云足

還家知欠浣花工那有新裁答清淑今朝摩壘直致師
萬斛流泉涌坡腹此才卽不置玉堂有詠能無汗淇竹
愈思時刊詩文集成正恐閬苑散瑤華麤俗翻嗤桃李目連宵急
雨欺枕函遠想紅妝變隴蜀重遊嬾比號寒蟲索逋愁
值冲霄鶴但得花枝歲歲同願奉珠槃追款曲祝翁珍
重苦吟身孔雀定無牛抵觸

寄題有斐園四首

園有水竹首藏眞西山書研故名壬辰四月
祝譽廷別駕以尊甫東巖太守所輯留香墨
林索題率成

綠漪修竹兩相鄰寶墨流傳迴絕塵五百年來方論定

小人君子究誰真

真西山先生在宋與魏鶴山同蒙偽君子真小人之謗

春雷一夜報平安蠟屐能扶到亦難怪道清聲如老鳳
森森長徧碧琅玕

著書應過何喬遠立藏還同曹石倉更有清江劉氏例
墨莊原爲子孫藏

尙書祖德今誰述

祖筋齋先生余辛酉朝考座師已祝釐過杭其述祖德詩敘係余爲

阮制府師代作太史詩篇昔共論
陳恭甫編修係同門庚午在都甚洽自其奉諱旋閩遂不相問餘卷中人如伊墨卿太守向在維揚亦荷知己之譽
海內故人還有幾開緘不

獨悵名園

冬日謝錢松坡海蛤野鳧之惠

故人深惜擁寒氈分惠珍羞及暮筵習隱宜租舴鳴艇

癯飢難買種蚶田安排詩料來花底領略冬心到酒邊
舊業全拋無以報短檠空誦木瓜篇

古詩答董鑄范

草蟲鳴東廂皇蟲躍空谷同氣苟相求不殊輪與轂里
中盛冠蓋膠西多著錄余之曾王母自出非遠族亦締
朱陳歡女蘿附喬木余曾大母係裘夏公女而叔祖母亦出建屏先生自此屢締姻亞
吾子曠世姿驚才溢眾目百氏同消搖一編陋拘束訥

翁昔持柄每抗竹谿躅

竹谿倡和集以訥瑄先生居首

稱詩號二南

南

江再駕屈楚服

謂散木海珊樹屏屏守諸君

子興繼自今回翔隘坤

軸肯徇萬牛毛舍此獨角鹿

君抗節讀書不事科目

蹇余偶屬橐

長虞一軍覆

種竹歌爲王研農賦

子猷近在湖之濱，煙苞雨籜常相親。屋前屋後不知數，時亦以墨傳其神。詩畫從來有妙悟，文湖州派豈足慕。日把鴉頭鴨觜鉏，看長龍孫破清露。年來薪桂米復珠，祇有筍價蓬不殊。筍價今歲特賤撐腸千畝賴有此，詩可噴飯休嫌麤。君縱有田，欠官廩逋賦，豪吟笑拾瀋，不如去作陶朱公，兼養池魚得高枕。

宋文信國公鐵如意歌

銘曰：聖瑞文天祥製，凡六字。

天之祥，宋之瑞。

宋理宗語

六州鐵錯鑄，此器救月矢，救日弓。

賈似道檄見三朝野史

變名劉洙歸海東，錢唐江潮三日歇，指麾

六軍不得發金甌已缺珠囊輕臣妾簽名謝道清一部
十七史多少不如意使公如意國不棄零丁洋裏七字
詩乃是生平如意事想當鼓橐鑄此時鐵雖能言人不
知姚萇未識張惡子如意雖同難同持忠肝如鐵石石
也祇有玉帶生與鐵成雙不成隻王炎午文且漫催冬
青引已傳西臺安得攜此同上釣壇盡一哭金石淵淵
殊勝皋羽竹

懷素草書千字文墨跡歌爲滄浪亭僧六舟賦
受師近在金閫閒寄我束紙求詩篇似言喜得懷素墨
其本則絹其字千蘇液舊藏載書史芾也無語無能顛
後來散出復無數大小兩本相比肩大者晚人靈巖館

小紅欄里文居先年深豈免百字闕補巧嘗恐形媿妍
綠天菴成昔種紙實與魯公同師傳屋漏痕勝古釵腳
老賊得之言非儂長史以肥素師瘦別具妙旨留松煙
世人酸鹹異嗜好得小棄大師尤賢此卷紀年乃大厯
貞元較早卅二年停雲本乃貞元十五年時懷素六十三歲須知歲強身手
捷輒繇勁鐵眞神全律公聖母出其下游絲宛轉紛鉤
連聞師年來好金石累千百種堆經筵疏放時以草暢
志棗盤方板行將穿上聖卽未造顛旭高閒智永爭精
擘鳳皇翻身日幾本洗硯欲湜滄浪淵勿輕飲人缸面
酒恐有賺者窺其椽榆樓菽城奚疑吾友固同癖以此詩去
煩言宣新拓脫或肯分似藏弄不異珍珠船

讀聽雪齋易說贈黃北山

石書

先生麻谿來放言窮天根研朱滴秋露夢有三爻吞平生十言教往往失終始嘗苦漳浦書洞幾祕厥旨斯言如砥平理數通其郵申漢必難宋求劍仍刻舟千載得二黃彼竒此則法精微絜靜中易道靡不洽

楓涇程氏藏書甚富長夏蘭川主人遣僕以瓶麓讀書圖索題二首

鈿軸牙籤萬卷餘并肩大好讀書廬異時苗發從相訪長水

朱

長塘

鮑

或不如

此生結習每流連觸熱披圖亦墨緣安得借鈔親撥櫂

一株平仲指山前

瓶山因積酒器而成上植銀杏一本見縣志

十月十七日硯農攜思陸龕圖來索題因得重
展放翁西蜀原刻石像且邀同作生辰不果往
成此自懺

一人那得萬首詩飽飯捫腹常自嗤早起客到畫重展
宿諾逋久顏忸怩入蜀萬里初不惜還往松陵直咫尺
蓮花博士酒百壺泥雪飛鴻一爪蹟十月十七當生辰
除楊誠齋難爲鄰浙東江西兩遺愛邀人歲薦谿之蹟
嗟予衰蹇畏霜曉且待堰花插晴昊萬樹梅花花一詩
不遣花同放翁惱

項易菴忍飢看梅圖歌爲吳江俞少甫

岳賦

天籟閣孫多象賢以詩畫結翰墨緣詩瘦不必同和靖

畫好直欲追逃禪霜繁入寺花未凍飢腸雷鳴主客共
僧非辨才亦道潛驅染松煤作清供夫君抱畫來草堂
初過大雪野日黃忽然清氣出素紙一屋浮動梅花香
詩家嗜痴例成癖慣吸煙霞飽肝鬲題此合倩姜堯章
費盡齒牙齧白石

井叔集

贈奚虛白

疑

碧瀾堂畔奚夫子年過六十鬚眉蒼眈游直是謝康樂
工詩不讓姜堯章谿藤作杖一枝瘦海櫻縛鞵雙足強
安得從之展兩翮倡子和汝歌清商

六十時友朋作策杖行吟圖以爲君

壽

吳愚甫復社老屋第二圖其身前所屬題者比
至則墓草已宿爲書一絕

蘆荻蕭蕭屋幾椽有人曾此擁青氈黃爐一隔成干載
黨籍誰還作補編

篝燈教讀圖歌爲海昌蔣茂才生沐索題

長檠棄短檠黑空齋夜靜聞太息啞啞烏尾畢逋有母
課子心血枯孤兒抱書朝出閨阿母齧指色慘悽孤兒
抱書日暮散難卷吹鐙夜過半孤兒夜誦聲琅琅丸熊
市餅多樂方孤兒夜誦音不接槌牀大怒淚棲睫先人
像設堂中央跪而讀之無愆忘何堪負此星星光心上
盍卽長明炷干鈞之重懸一縷每月日必四十五孤兒

成立母終天瞬閱此火又幾年聖賢事業鐙影裏短檠
牆角在所使長檠畢竟顯親始瀧岡之碑龍下視

試建谿茶

有客東歸過信州武彝茶好爲兼收香踰綠雪豪全白
品較團龍味自優冬得晴憐有明火門因谿近足寒流
頭銜桑苧年年慣石鏡風鑪外不求

題沈篋谿鴛湖春汎圖二首

早梅初白水生煙記上臙脂匯畔船不是良朋成勝踐
舊游忘卻十年前

近來風病似秋鶯每到春游悵未成安得都籃攜酒榼

同呼張丈與殷兄

榆樓銅土謝
城皆予舊識

謝温鐵花送梅花折枝

八叉吟手折來親半白還朱色斬新遠恨似懷庾嶺別
近愁尙帶隴頭春鐙前影亂橫陳髻瓶裏香生淺笑脣
不待巢居閣重訪終朝擁鼻與傷神

題上海趙澗村水邨圖三首

幾閒草閣柳相扶射鴨又魚興不孤儘有才名追七子
未妨小隱澱山湖

書詩承旨舊家聲魚鳥江鄉早著盟知與蓮花莊不異
鷗波一路向人明

依然三泖半樵漁水木秋來見舊廬我卻懷人因小阮

蕭疏如讀大雷書

謂令伯子啟先生君時
方從姑讀書吾湖汪氏

...

...

...

...

...

...

...

...

...

...

冬青館甲集卷二